

Ɔwɔlɔ́á Paulo Lɔ́wanlín Sísí Romafɔ

¹ Mí Yesu Kristo osúmbi Paulo dé ɔwɔlɔ́ ánfí wanlín sísí mlí Romafɔ. Bulu léti mí ɔbée, mbóbɔwe mu sumbí ɔyɔpó. Ɖele mí yáí ání néda mu asɔn wankláán ámu ɔkan.

² Bulu léhie asɔn wankláán ánfí yáí tsɔn mu ɔnɔ́sú atɔ́púsɔ dodoodo, bɔwanlín mó wá mu asɔn wanlínhé amɔtɔ. ³ Asɔn wankláán ámu ɔlɔ́tɔ́ tsú mu Bi, ogyi aní Wíe Yesu Kristo ɪwɪ. Anyánkprɔ́sa ɔkpasɔ á, ɔlelɪn Owíe Dawid abusuantɔ. ⁴ Bulu léle súná ání lélé mu Bi ní. Ɖlɔtsɔn Ɖɔɔe Wankíhé túmitɔ kósúá mu tsú afúlitɔ. Mɔgyí aní Wíe Yesu Kristo. ⁵ Ina mɔsɔ Bulu lawá awítɔle lé mí mu sumbí ɔyɔpó, méní nékpa ɔmá bámbásófɔ bóhɔ mu gyi, nú mu ɔme. ⁶ Mlí Romafɔ ánfí Bulu latí ɔbée, mlibóbwe Yesu Kristo klé é mlibu mótɔ.

⁷ Iní sɔ mí Paulo nde ɔwɔlɔ́ ánfí wanlín sísí mlíá mlibu Roma féé. Bulu lahíé dwé mlí, tí mlí, pó mlí bwé mu ahá. Nde aní Sí Bulu mɔa aní Wíe Yesu Kristo kokóli mbée, bɔgyí mlí buale, abɔha mlí iwilwii.

Paulo Bulu Ɔpánda

⁸ Gyankpapɔ a, nna Yesu Kristosɔ nde mí Bulu ɪpán da mlítɔ okugyíɔku nwunsɔ. Tsúfé mlí Kristo hógyi sɔ mlí dá de ɔyítɔ féé. ⁹ Napó mí klɔn féé nde Bulu súm tsɔn mu Bi Yesu ɪwɪ asɔn wankláán ɔkan ámú nde da ámusɔ. Obégyi mí adánsie ání ntekáín mlí sɔ brégyíbréá nde mpái bɔ. ¹⁰ Ntetsiá kokóli mu ekekegyíeke mbée, ɔtsúla finki ɔkpa ha mí, antali besináá mlí nke ánfítɔ. ¹¹ Tsúfé ɪdɪn mí ɔwólá mía

mlɛnyɔ abɛfia, mɛnɪ nɛbɛha mlɛnya Ɖɛ Wankihɛ atokiehɛ ʌnɪ ɪbɔwa mɪ ɔwɔnlɪn. ¹² Mɔ́a ndɛblɪ gyɪ, nɪ nɛbá mɪ wá á, mɪ hógyi bɔwa mɪ ɔwɔnlɪn, mɪ klé é ɪbɔwa mɪ ɔwɔnlɪn.

¹³ Mɪ apɪó, ndekléá nɛha mɪ bɪ ʌnɪ nabwɛ́bwéé́bwé agywɪn ʌnɪ nɛbɛsɪnáa mɪ, táme tɔkɔ dɛ mɪ ɔkpa tɪn bɔfɔn ndɛ. Ndekléá nɛba ɪnɔ bɔtɔ́i kplá ahá, mɛnɪ bɔ́hɔ Yesu gyi, fé alɪá nahá ahá bahɔ mɔ gyi ɔmá bámbátó. ¹⁴ ɪnɪ gyɪ tɔ́a ilehián ʌnɪ nɔ́bwɛ ahá féétó nɪ. Ilehián ʌnɪ nɔ́bwɛ mó Griikifɔ pɔ ɔblɪ bámbá ablípó, atiansɪpɔ pɔ aha mimláhe féétó. ¹⁵ ɪnɪ sɔ mɪ ansí lapé ʌnɪ nɛ́bláa mɪ ahá ʌnɪ mɪbɔ Roma wúlutɔ é asɔn wankláán ámɔ.

Bulu Asɔn Wankláán Ámɔ Túmɪ

¹⁶ Bulu asɔn wankláán ámɔ ɪma mɪ péli. Tsúfé mógyɪ Bulu túmɪ ʌnɪ ɔdɛpɔhɔ ɔhagyíɔha ʌnɪ ɔbɔhɔ Kristo gyi nkpa nɪ. Yudafɔ gyánkpá, asa ahá ʌnɪ bɔmegyɪ Yudafɔ bɔbɔ. ¹⁷ Tsúfé asɔn wankláán ámɔtɔ Bulu léle alɪá ɔtɔ́bwé ɔha yilé ɔbwepó súná. Mó ɔsú-asɪ féé ɪlɪ hógyisɔ. ɪnɪ Bulu asɔn wanlínhé amɔ leblɪ nɪ. “Ɖhá ʌnɪ mɔ hógyi sɔ Bulu latsú mɔ ʌnɪ mɔ asún da ɔkpa obɛnya nkpa.”

Lakpan Ɖbwepó Ɖhagyíɔha Gyɪ Bulu Ansító

¹⁸ Bulu léle mɔ ɔblɔ́ súná tsú ɔsúsú. Olenya ɔblɔ́ ahá ʌnɪ bɔtamanyá mɔ ifú, bɔdɛ lalahe bwe, bapó amó owuntɔlɪn bɔdɛ Bulu asún ʌnɪ igyi ɔnɔkwali ɔkpa tɪn. ¹⁹ Bulu ɔbɛbɪtɪ amó ɪsɔ. Tsúfé tɔ́a ilehián ʌnɪ bɛbɪ tsú Bulu ɪwɪ ɪda amó ansító dodo. Bulu onutó léle mó ɔwan súná ámɔ. ²⁰ ɪbɔ mótó ʌnɪ ɔhaa tamawun Bulu túmiá itamatá pɔ alɪá ogyi. Táme tsú bréá Bulu lɔ́bwɛ ɔyɪ ɔpá á, Bulu tsiátɔ mɛɲáin. Tsúfé mɔ atɔ bwehé léle mó súná wankláán ʌnɪ ahá bétalɪ wun mó, póbɪ mɔ. ɪnɪ sɔ ɔhaa má ɔnó kɔkɔ

lé. ²¹ Bv̄yin Bulu, táme b̄uməwa mu numnyam ání iletsiá mu, b̄uməpu ipán koku é há mu. Mboún t́á ima asi b́otəgyẃin tsu Bulu iw̄i. Butamatráa nu mu asón ámu asi. Basin oklúntə. ²² Buteki amó iw̄i b̄ee betin ansí, táme bemimĺaa. ²³ Basí Bulu əkiankpapu amu tswi, yó b̄ude ikpi ání b̄uma nkpa s̄úm. Bəpwe amó, nt́ee sré amó fé nyankp̄usa ání otowú, nt́ee mbubwi, nt́ee mbw̄i p̄o awə aku.

²⁴ In̄i sv̄ Bulu ladámli əma há amó, basí b̄ude atə laláheá b̄udeklé tsu amó kl̄untə b̄we, amóa amó aba b̄ude iw̄i suṕaa. ²⁵ Butamatráa h̄ə Bulu ənəkwali amusu gyi. Asón ání ima mót́t mboún b̄udehógyi. In̄i sv̄ bayó b̄ude Bulu atə b̄wehé mboún s̄úm, sí ató féé ɔb̄wep̄ó ámu onutó. Kanfó letsiá mu bré féé! Amen.

²⁶ Amó b̄wehé ánfi sv̄ Bulu lédamli əma há amó, b̄una b̄ude hakpanla b̄we. Amó atsi kóráá besi ayin wá di, fé alíá ida yaí, amó w̄ulew̄ule b̄uda aba wá. ²⁷ Alí kén ayin é besi atsi wá di fé alíá butəbwé mú yaí, b̄uda aba wá ní. Hakpanla anfi b̄we sv̄ Bulu lébití amó isv̄ ání lekánáa ha amó, b̄ude mú w̄iun ni.

²⁸ In̄iá bakíná Bulu bi sv̄ á, Bulu ladámli əma há amó, b̄ude asokpan susúu, b̄ude t́á ima aleá əha əb́b̄we b̄we. ²⁹ Lalahé śón bu amót́t. Iku gyi; lakpanb̄we, opotsuawa, olu, ənsípe, ahámə, mb̄líkp̄éé, ahámle, agyw̄in laláhe b̄we p̄o ahátsíi. ³⁰ Ahá ənót̄in, Bulu asúnkiná, atómábú, iw̄itsú, iw̄i adábi da. Lakpan əkpagyáa, akw̄iúp̄usu kusólíi. ³¹ Butamagyw̄in, butamagyi amó asv̄n blíhésv̄. Butamadwé ahá, butamawun ahá n̄we. ³² In̄iá b̄v̄yin ání Bulu mbla ámu losuná ání əhá ání otsiá atsiábi anfi odu ob́wu óó á, megyí in̄i anfi nkole

budebwe. Bɔtráa bude lalahe abwepó é atetɔ-onlin wa dínká mósó.

2

Bulu Tamakɪ Ōha Ansító

¹ Inɪ sɔ fɔ́á fɔtsie fɔde fɔ aba ilá le, fɔma onó kɔkɔ lé Bulu ansító. Tsúfɛ́ fɔde akɔ ilá le, táme fɔde mú odu kén bwe. Mú sɔ ní fɔde amú ilá le á, iwɪ pón fódeha. ² Aniyin ání Bulu obéha ahá ání bude inɪ odu bwe ipón. Aniyin é ání mu asón da okpa. ³ Mú sɔ ní fɔde ahá ilá le lakpan ání fɔ onutó fódebwe sɔ á, bi ání Bulu é obéha fɔ ipón. Fóméetalí kɔli dali mu ibi. Ntée fómeyín alí? ⁴ Bulu lalé mu yilé pó mu awɔtɔle owan súná fɔ, alanya klɔn há fɔ, táme fómobu mu. Ntée fómeyín ání alíá fédamlí klɔntɔ yínkí ba mu wá sɔ alalé mu awɔtɔle súná fɔ? ⁵ Táme klɔntɔ bu fɔ odwin, asɔtɔ bu fɔ onlin. Mú sɔ isɔtɔbití ání ida gyo fɔ ekeá Bulu Ōnɔkwaliɔ obégyi asón itráa démoní tsía. ⁶ Bulu obéka ohagyíɔha ikɔ mu bwehé onó. ⁷ Akɔ bapú ansí dínká ání bénya numnyam, idayilé pó nkpa ání itamatá. Mú sɔ banya klɔn bude yilé bwe ekekegyíeke. Amú Bulu obéha nkpa ání itamatá ní. ⁸ Táme akvá bubu onsípe, bakíná onɔkwali amɔ pó yilébwe, bubuo lalahe mú á, Bulu obóɔɔ obló gyi amú asón, bití amú isɔ wankláán. ⁹ Asɔn wunhe móa iwiasin béba lalahe abwepó féésó. Ibégyankpá tó Yudafɔ, asa ibótu ahá ání bomegyí Yudafɔ. ¹⁰ Táme Bulu obówa yilé abwepó numnyam, há amú iwilwii, trá ha amú aye. Obégyankpá há Yudafɔ, asa ibótu ahá ání bomegyí Yudafɔ. ¹¹ Tsúfɛ́ Bulu tegyi asón onɔkwali sɔ, otamakɪ ohaa ansító.

¹² Ahá á múú bɔmeyín Mose Mbla ámu, bɔde lakpan bwe ámu óó bófwí. Táme Bulu móɔpu mbla ámu gyi amó asún. Ahá á múú bɔyin mbla ámu asa bɔde lakpan bwe ámu mó á, Bulu ɔbélí mbla ámu su há amó ipón. ¹³ Tsúfé megyí ahá ání bɔyin Mose Mbla ámu asún da ɔkpa Bulu ansító. Mboun ahá ání bɔtegyi mósó. ¹⁴ Ibu mótóá ahá á múú bɔmegyí Yudafɔ bɔmeyín Mose Mbla ámu. Táme ní amó onutó bɔde mbla ámu su gyí a, bɔdesuná ání bɔyin yilé móa lalahɛ amó klɔntɔ. ¹⁵ Amó bwehé ánti desuná ání Bulu lówanlín mbla ámu dínká amó klɔnsu. Amó klɔn de adánsɛ gyí ání lélé bɔyin mó. Tsúfé bré kutɔ á, amó agywun tɛhá amó ipón, bré kutɔ é á, itɛhá amó asu. ¹⁶ Alí kén íbéba ɛke á múú Bulu ɔbótson Yesu Kristosu gyi tóá ahá babwé ñáintɔ iwí asún ní. Alí Kristo iwí asun wankláán á múú nde mó ɔkan da ámu idesuná ní.

Yudafɔ Pó Mose Mbla

¹⁷ Fú fɛɛ Yudayin fɔgyi, fú ansí dɔn Mose Mbla ámu su, fúdepu íbɛ sí kántó fɛɛ Bulu mu bi fúgyi. ¹⁸ Fɔyin Bulu apé, tsúfé fakásí Mose Mbla ámu. Mú su fɔyin tóá íbɛ alé. ¹⁹ Fɔtɛkɪ fú iwí ansibi abwiepó ɔkparó, fúgyi fé ɔkandíe há ahá ání bɔmeyín Bulu, basin oklúntɔ. ²⁰ Fú fɛɛ fɔgyi aha mimláhe ansí ɔ́tɛnpɔ. Fétalí suná ahá ání bɔmeyín ɔlala tóá íbɛ alé. Tsúfé fatsúlá fɛɛ Mose Mbla ámu su fabí tógyító, fabí ɔnɔkwali kugyíku é. ²¹ Táme íníá fúde ahá yilé suná á, ntogyi su fɔmóosuná fú iwí mó? Fɔde ɔkan da bláa ahá fɛɛ bɔmáwi ató, táme fú onutó fɔdewi? ²² Fɛɛ bɔmátɔ mbua, táme fɔde mbua tɔ? Fɛɛ bɔmásum ikpi, táme fɔtowí ɔkpɛasi ató. ²³ Fɔtotsú iwí Mose Mbla ámu su, táme fɔtepan mósó. Inɪ su

fode Bulu kpóí. 24 Bulu ason wanlínhé amu lébli obéé, “Mli Yudafó bwehé su ahá ání bomegyí Yudafó bode Bulu tswi ason laláhe blí.”

25 Ní mlidé Bulu mbla ámusu gyí á, mli ketétin bu labi. Táme ní mlitamagyí mósó á, mligyí fé ahá ání bometin keté. 26 Ní oku métin keté, ode Mose Mbla ámusu gyí a, ogyi fé keté otinpu Bulu ansító. 27 Mli Yudafó mliyin mbla ámu, tsúfé bōwanlín mó tswi mli, betin mli keté é, táme mlitepán Mose Mbla ámusu. Mó su ohá ání ometin keté kóráá, táme ode mbla ámusu gyí obéle mli ilá. 28 Tsúfé megyí keté otinpu gyí Yudayin onutó. Ketétin onutónutó bu inu. Megyí oyulósu ketétin keke. 29 Ní oku gyí Yudayin onutónutó á, mu klontó tósúná. Ketétin onutó itsú klontó. Bulu Ohé ámu tóbwé mó, megyí mbla ámóú bōwanlín tswi amusu gyí. Ohá ání Bulu Ohé ámu letin mu keté á, Bulu onutó tékánfó mu, megyí nyankpusa.

3

1 Mómó labi mōmu Yudafó bubu dun ahá ání bomegyí Yudafó? Ntée labi mōmu ketétin bu? 2 Ibu mótóá labi ámu ihíé itsó! Gyankpavu gyí, Bulu lópu mu klonsu asón wá Yudafó ibitó. 3 Ibu mótó ání amótó aku bōmōhó Bulu asón ámusu gyí. Táme amó tsiátó anfi odu ibétalí há Bulu obési tóá olehie ání obóbwe lóó? 4 Ekekeke! Megyí ahi igyi! Ní afunupu ahá féé bugyi óó á, Bulu mó á, onokwalipu ogyi. Igyi fé ahiá Owíe Dawid lébláa Bulu obéé, “Ní fótíí á, ahá bublí beé fú asón igyi onokwali.

Ní begyi fú asón é á, bublí beé fú asón da okpa.”

5 Ní aní tsiátó laláhe lalé Bulu tsiátó wanklāán súná á, mómó ní ode aní isu bití aní tsiátó laláhe su á, nkáli abéblí? Abéblí aniaa, Bulu má okpa bití aní

isu? (Nyankpɔsa asɔn blíhé ndeblí á.) ⁶ Ekekekeke!
Ima mótó alí. Ní Bulu asón meda ɔkpa á, nkáli
obégyi ɔyító ahá fée asón?

⁷ Ɔku ɔbéfité ɔbéε, ní mí ɔnɔkwali máwá lalé súná
ání Bulu bu ɔnɔkwali, ɔlatsú mu dá fúá á, mómó
ntɔ sù Bulu ɔbétrá ha mí pón ɔbéε lalahε ɔbwepú
ngyi? ⁸ Ní igyi alí á, mómó ntɔ sù aníméεblí aniaa,
“Mliha abwe lakpan, fówun Bulu tsiátó wankláán
ɔlɔn ɔwan?” Fé alí á múú ako bude mí ɔnó tun beε, nna
ndeblí ámu. Bulu ɔbéha amú ipón alíá ilekanáa.

Ɔhaa Mégyi Yilé Ɔbwepú

⁹ Nkáli mee abéblí pómó mú ɔnó? Mú su aní
Yudafɔ anɔdon ahá á múú bumegyí Yudafɔ ámu lóó?
Ekekekeke! Anímódɔn amú ɔkpagyíɔkpasu. Nablí
bɔtsɔn mbée, ikule Yudafɔ pú ahá á múú bumegyí
Yudafɔ ámu fée bugyi. Tsúfé lakpan lagi amú féesó.

¹⁰ Bulu asón leblí ɔbéε,

“Ɔhaa asón meda ɔkpa Bulu ansító. Ɔbakúε kúráá
méda lí mótó.

¹¹ Ɔhaa tamanú Bulu asón asi;
ɔhaa tamadúnká Bulu ɔkpa.

¹² Amú fée badámlí ɔma há Bulu,
ámú fée bafwí.

Yilé ɔbwepú ɔkoku má ɔnu. Ɔbakúε kúráá
méda lí mótó.”

¹³ Bulu asón ámu létrá blí ɔbéε,

“Butekle asɔkpan blí.

Buɔpú amú ɔnó mlé ahá.

Amú ɔnótó asɔn blíhé tɔmó fé ɔwɔ elín.”

¹⁴ Bulu asón ámu létrá blí ɔbéε,

“Ulwí pú asɔn-sɔnsín blí butegyí dɔ.”

¹⁵ Ɔlétrá blí ɔbéε,

“Ahámɔ ma amú ɔpá.

16 Ɔtínegyíɔtínéá bɔna á, bɔde ahá yintá, bɔde ahá ipiantɔ wa.

17 Bɔmeyín ɔkpa ání itɔpó iwilwii ba.”

18 Bulu asón ámu kv é leblí ɔbéε,
“Bɔtamanyá Bulu ifú.”

19 Séi á, anyin ání asóngyíasón ání Mose Mbla ámu losuná á, ida ha Yudafo ámóú bɔpu mbla ámu há ámu. Mú sv ɔkuku méenya ɔkpa lé asvansv ɔnó bréá Bulu dé ahá féé asón gyí. 20 Tsúfé Mose Mbla ámúsv gyí méetalí há ɔha ogyi asv Bulu ansító. Há mbla ámu itehá antebí ání lakpan abwεpó angyí.

Alá Ɔha Tegyi Asv Bulu Ansító

21 Séi á, Bulu lasúná ɔkpa ání ɔtɔtsɔn mósú há ɔha asv. Imená Mose Mbla ámúsv gyísv. Táme Mose Mbla ámu pó Bulu ɔnósú atɔípó amv asv wanlínhé leblí ɔkpa ámu iwí asón yáí. 22 Ɔkpa ámu gyí ɔkpa ání Bulu tɔtsɔn há ɔha asv mɔ ansító ní. Yesu Kristo hógyísv Bulu tɔtsɔn hɔ ɔhagyíɔha. Ma fɔgyi o, ma fɔmegyí o, nkónv fotsú o, nkónv fɔmotsú o, ɔhaa mótɔsv ɔtsan Bulu ansító. 23 Tsúfé ahá féé babwé lakpan. Mú sv bahólí Bulu numnyam. 24 Awítɔle Bulu lawá há aní. Mú sɔ nyankpɔsa obégyi asv mɔ ansító ní. Awítɔle anfi ina Kristo Yesuv. Múléka nyankpɔsa nwunsv ikɔ. 25-26 Anyánkɔsa bɔde lakpan bwε tsú bré ɔpá, támε Bulu lénya klɔn há amó, ɔmɛbití amó isv. Séi á, Bulu labɔpu Yesu bó afɔdie, pó mɔ obugya lé aní iwí mbusuo, méní abótɔsv mɔ hógyísv nyá lakpansikíé. Bulu lóbwε mó ah pósúná ání mɔ asón da ɔkpa, méní ibósuná nke ánfítɔ ání yilé ɔbwεpó ogyi. Ototsú ahá ání bɔhɔ Yesu gyi ání amó asón da ɔkpa mɔ ansító.

27 Séi mé, takv bv unvá abótɔsv iwí mósú? Tɔtɔ má unv. Ntogyi sɔ anuméetalí tsú iwí? Mose Mbla

ámv sv lóó? Ó-o! Aní hógýi sv anuméetalí tsú iwí. ²⁸ Megýi ató wankláán ámóú Mose Mbla losuná aní bwe ámv sv anitegyi asv Bulu ansító. Ina Kristosv hógýisv abégýi asv Bulu ansító. ²⁹ Yudafó nkole Bulu ógyi? Megýi ahá ání bomegyí Yudafó mó Bulu ogyi? Ee! Amó é amó Bulu ní. ³⁰ Bulu okole pé bv inv. Mó sv ina hógýisv olotsulá ání Yudafó asón da okpa. Ina hógýi kénsú olóhó ahá ámóú bomegyí Yudafó ámv é ání amó asón da okpa. ³¹ Mó sv ilehián ání abóhó Yesu gyi, sí Mose Mbla ámvsv hógýi lóó? Ekkekεεκε! Megýi alí ígyi. Yesu hógýi téhá anitekítá mbla ámvto kinkíínkín.

4

Abraham Iwí Asón Lasúná Alí Hógýi Bv Labi

¹ Séi á, amansv aní Yudafó abéblí tsú aní náin Abraham iwí? Ntó olowun tsu Bulu aháhó asón ánfí iwí? ² Ní yilébwε só Abraham légyí asv Bulu ansító á, múmú obv tóá obóputsú iwí, támε megýi Bulu ansító. ³ Nkálí Bulu asvñ wanlínhé amv léblí? Oléblí obéε, “Abraham lóhó Bulu gyi. Mó sv Bulu lótsu mv ání mv asón da okpa.” ⁴ Ní okv oyó agyómá á, bteká mv ikó. Megýi atokiehé ikaká ámv gyí. Igyi tóá ilehián ání obénýa tsú mv agyómá yótó. ⁵ Támε megýi ahá bwehé sv, mboun amó hógýi só Bulu totsú amó ání amó asón da okpa. Tsúfé Bulu téhá lakpan abwεpó ání bóhó mv gyi btegyi asv mv ansító. ⁶ Owíε Dawid léblí oyúla asón ánfí kén dodo. Olótóí tsú ahá ání Bulu mékí amó bwehé asa olotsu amó ání amó asón da okpa iwí. Olówanlín mó wá Bulu asvñ ámvto obéε,
⁷ “Bulu layúlá ahá ání alási amó lakpan kíε amó, alagyóra amó!

8 Ahá á múú Bulu lasí amú lakpan kíé amú, ɔméetrá kaín músú ámu bégyi ɔdwe!”

9 Keté atínpu nkɔle bú ɔdwegyí anfi Owíe Dawid dé mú iwɪ asón blí ánfɪ? O-o! Ahá á múú bɔmetɪn keté ámu é bɔbɔ mótó. Kaín ání anɪlakla asɔankɔ Bulu asɔn wanlínhé amɔtɔ. Anɪa, “Abraham lóhɔ Bulu gyi. Mú sɔ Bulu lótsu mu ání mu asón da ɔkpa.” **10** Bré mɔmɔ Bulu lótsu mu ání mu asón da ɔkpa? Ɖletɪn keté asa lóó? Ekεkεεkε! Bulu lótsu mu ání mu asón da ɔkpa dodoodo. **11** Ɖma-ɔma asa ɔlebetɪn keté púhíe mu nsɔ. Ilosuná ání mu hógyi só Bulu lótsu mu ání mu asón da ɔkpa. Inɪ sɔ ogyi fé ahá á múú bɔmetɪn keté, táme bɔhɔ Bulu gyi, Bulu lótsu amú ání amú asón da ɔkpa ámu. Mú sɔ ogyi amú féé ɔsí ní. **12** Ogyi keté atínpu amú é ɔsí. Tsúfé megyí amú ketétɪn sɔ, mboún amú Buluhógyi sɔ. Fé alɪ á múú Abraham lóhɔ Bulu gyi asa betɪn mu keté ámu.

Tɔá Bulu Léhie Yáí Mv Ahogyipu

13 Bulu léhie Abraham mva mu abí-aná ání ɔyító féé ɪbóbwe amú klé. Megyí beε Abraham légyi Mose mbɪlasɔ, sɔ Bulu léblí asón ánfɪ. Táme ínɪá ɔlɔhɔ Bulu gyi, Bulu é lótsu mu ání mu asón da ɔkpa mu ansító sɔ. **14** Ní ahá ání bɔde Mose Mbɪla ámɔtɔ obégyi Bulu ató á, múmú ɔha Bulu hógyi igyi kpaali. Bulu nhɪhíé há ɔha é ma labi kɔkɔ. **15** Tsúfé Bulu ɔbló mbɪla ámu tetí. Táme ní mbɪla má ɪnɔ á, mbɪlatɔn é ɪma ɪnɔ.

16 Mú alɪ sɔ ɪna hógyisɔ ahá bétalí nyá atóá Bulu léhie yáí há amú. Atokiehé á múú ɔbópɔhá Abraham abí-aná ámu ɪbéda amú ɪbɪ. Megyí ahá ání bɔtegyi mbɪlasɔ nkɔle bú, táme ahá ání bɔhɔ Bulu gyi fé Abraham é. Tsúfé Abraham gyí anɪ féé ɔsí. **17** Fé alɪ

ámú Bulu asun wanlínhé amu ilebli obéé, “Napó fú bwé omá tsotsotsó osí ámu. Abraham gyí aní fée osí Bulu ansító.” Tsúfé olohogyi ání Bulu téhá awupó nkpa, otehá tóá ima unu yáí iteba mótó fé tóá ibu unu yáí. ¹⁸ Bréá tótó má unvá Abraham obópu mu ansí dínká mósó á, olóhó Bulu gyi ání obóbwe mu omá tsotsotsó osí alí ámú oblí yáí ámu. Bulu lébláa mu obéé, “Fú abí-aná békléí fé ntsrakupabi.” ¹⁹ Alí bré ámútó á, Abraham lahó nfi lafakule (100). Mú su aladan tsun kwísó. Alí kén mu ka Sara é okwípúni lawú, oméetrá kwí ní. Oyin íní fée, táme omekpa mu hógyi oma. ²⁰ Iní fée oma a, omegyí nwéén obéé, itó ámú Bulu léhie mu amu iméeba mótó. Mboún okekítá mu hógyitó kinkíinkín, okekánfó Bulu mú su. ²¹ Tsúfé ohíe oyin ání Bulu obétalí bwé itó ámú alahíe há mu amu. ²² Mu hógyi anfi só Bulu lébli obéé, mu asón da okpa ní. ²³ Megyí mu nkule su bəwanlín wá Bulu asón ámútó beé, “Bulu lótsu mu ání mu asón da okpa.” ²⁴ Aní é, aní su bəwanlín mó. Ní anilóhó Bulu gyi a, obótsu aní ání aní asón da okpa. Mogyí ohá ání okkúsó aní Wíe Yesu tsú afúlitó. ²⁵ Aní lakpan só Bulu léha beé mu há bəmə mu. Bulu lókúsó mu tsú afúlitó, méní obótsu aní é ání aní asón da okpa.

5

Isgyí Bulu Ansító

¹ Aní hógyi só Bulu latsú mó ání aní asón da okpa. Mú su aní Wíe Yesu Kristo lalá ania Bulunyo nsiné. ² Hógyi su okpa lafinkí há aní nya. Iní aní Wíe Yesu só Bulu awítale anfi laba anisu, anlapó hógyi nyá olúkpá nya a, ihíe bu aní odwe. Tsúfé anidín ansí ání abébenya mu numnyam amu kv. ³ Ansí

itráa de anɪ gyí ání anɪdé ipian wúun. Tsúfɛ ipian tɛhá anɪtɔwá nsi. ⁴ Nsiwa tɛhá anɪtɛbí tsíá alíá ilegɪ Bulu ansí. Ní abí tsíá alíá ilegɪ mu ansí á, abédɪnká ansí mɪsɪ. ⁵ Ansí pɔdɪnká Bulusɔ méɛha péli méɛkitá anɪ. Tsúfɛ Bulu lótsɔn Ɔɲɛ Wankíhé amóú ɔlɔpɔhá anɪ ámɪsɪ pɔ mu ɔdwe wá anɪ klɔntɔ.

⁶ Bréá anɪtráa anɪgyí lakpan abwɛpó, anɪmá ɔwɔnlɪn á, Kristo lóbowu há anɪ lalahɛ abwɛpó bréá Bulu onutó léhiɛtɔ. ⁷ Ní ɔku asón da ɔkpa kóráá á, ɪbówa ɔnlɪn asa ɔku obótsulá wú há mu. Fíali ɔha yilé mú á, ɔku ɔbówa klɔn wú há mu. ⁸ Táme tóá ilosuná ání Bulu tɛhíé dwé anɪ gyí, bréá anɪgyí lakpan abwɛpó á, ɔleha Kristo lóbowu há anɪ. ⁹ Ina Yesu Kristo obugya amóú ɪɔwɔlí asɪ ámɪsɪ Bulu lési anɪ lakpan kíé anɪ, tsú anɪ ání anɪ asón da ɔkpa. Kristo sɪ ɔbéle anɪ kokooko. Ɔméɛbití anɪ sɪ lakpan abwɛpó sɪ-ɔbitíké amɪ. ¹⁰ Tɛki Bulu alupó anɪgyí. Táme tsúɔn mu Bi ámu lowusɪ á, alabwé anɪ mu anyawíe kláklá. Iníá anɪlabwé mu anyawíe sɪ á, ɔbóhɔ anɪ nkpa kokooko. Tsúfɛ Kristo é bu nkpa. ¹¹ Megyí mú wɔle. Múá itráa dɔn kóráá gyí, anɪdé ɔdwe gyí. Tsúfɛ anɪ Wíe Yesu Kristo lalá anɪa Bulunɔ nsíné. Mú sɪ anɪlabwé Bulu anyawíe.

Adam Mɔa Kristo

¹² Adam nkɔle bwɛhé sɪ lakpan léba ɔyító. Mu lakpan ámu só lowu léba ɔyító. Inɪ sɪ lowu lénya túmɪ ɔhagyíɔhasɔ, tsúfɛ ahá féé babwé lakpan. ¹³ Lakpan bu ɔyító asa Bulu lópu mu mbla ba Mose. Táme bréá Bulu mókópó mbla ámu ba mu a, olobun ansíbi lakpansɪ. ¹⁴ Tsú Adam brésó bɔtɪ Mose brésó lowu legɪ iwíe anyánkɔpósa féésó. ɪbu mótó ání bɔmɔtɔn mbla kɔku fé Adam, táme amó é bowu.

Akú alíá Adam léklé òlian òmapu amv. ¹⁵ Adam ná òtsan há Yesu Kristo. Tsúfée Bulu awítòle amv megyí fée Adam lakpan ámv. Adam nkòle lakpan sù ahá fée bowu. Táme Yesu Kristo nkòle awítòlewa sv Bulu laláwá awítòle, pò mv atokiehé há ahá tsòtsòtsò. Mv atokiehé ámv ibu bíá òn lowu ámv. ¹⁶ Tóá anyánkpósa benya tsú Bulu atokiehé ámv ina òtsan há tóá benya tsú Adam lakpan ámv. Mv lakpan kòle pé amv léha òhagyíòha légyi pón Bulu ansító. Mólòpò lowu ba, támè lakpan tsòtsòtsò òma a, Bulu atokiehé kòle pé léha Bulu lótsu ahá fée ání amó asón da òkpa mv ansító. ¹⁷ Òbakòle lakpan sv lowu légyi iwíe ahásv. Táme alíá Bulu lahíe wá awítòle há ahá ibu wánwan. Alatsòn Yesu Kristo nkòlesv tsú aní ání aní asón da òkpa, ania m̀nyò abégyi iwíe aní nkpatò fée.

¹⁸ Iní sv alí ámv òbakòle lakpan sv Bulu léha ahá fée pón ámv a, alí kén òbakòle yilébwe sv Bulu lahá ahá fée bagyi asv mv ansító, alahá amó nkpa ání itamatá é ní. ¹⁹ Alí ámv ina òbakòle asvò-ònlín sv ahá fée bemlì lakpan abwepó ámv a, alí kén ina òbakòle obú sv Bulu obótsu ahá tsòtsòtsò ání amó asón da òkpa ní.

²⁰ Bulu lópò mbla ámv ba, ménì ahá bówun lakpan ání bodebwe wankláán. Táme bréá lakpan dékléí á, Bulu awítòle é idekléí tsía. ²¹ Lakpan légyi ahásv, òleha ahá bowu. Alí kén Bulu lawá awítòle tsú ahá ání amó asón da òkpa mv ansító ní. Iní lahá ahá batsòn aní Wíe Yesu Kristosv nyá nkpa ání itamatá.

6

Kristo Sv Anìv Nkpa

1 Nkálì abéblí séí? Ilehíán ání abóyò anì lakpanbwεsu, ménì Bulu awítòlε bómoní tsiá? 2 Εκεκεεκε! Igyi fé anìlawú, mú su lakpan ma túmì anìsu. Ntogyì su abétrá tsiá bwé lakpan? 3 Bré ámóú bóbò anì asú ámυ a, ania Kristo Yesunyò anilóbwε kulε. Mliyin mú alì? Alì bré ámυtò á, ania Kristonyò lówu, 4 bopolá anì, tsúfé ania monyò anilabwé kulε. Mú su alì ámóú anì Sí Onumnyampυ amυ lókúsúa mu tsú afúlítò ámυ a, alì kén anì é abétsiá itsiá pòpwεtò ní.

5 Mú su íniá ania monyò anilóbwε kulε mu lowutò á, alì kén ania monyò lóbwε kulε mu kusó tsú afúlítò é ní. 6 Mlibì ání bréá bεda Yesu mántá oyìkpalìhε amυsu á, mυa anì tsiátò dada amυ lówu, ménì aníméetrá bwε lakpan nkpábi. 7 Tsúfé ní òha owú á, òtamatráa bwε lakpan. Lakpan má mυsu túmì. 8 Ìniá ania monyò anìlawú su á, anìbυ hóggyì ání ania monyò abétsiá nkpa. 9 Aniyin ání Bulu lókúsúa Kristo tsú afúlítò. Òméetrá wu εκεκεεκε. Lowu itráa ma mυsu túmì. 10 Yesu lówunáa wu òtsáwυlε, ménì òbélε lakpan ìnυ. Táme ìniá otsiε nkpa á, otsiε ha Bulu. 11 Mli é mlikì mli ìwì ání mliìlawú há lakpan, amlìlε mli ìwì lε mú túmì asì. Mlìtsia nkpa ha Bulu, tsúfé mli Kristo Yesunyò mliìlabwé kulε.

12 Ìnì su mliímáha lakpan igyi mli nyankpυsa-oyí ánfì ibówu ánfìsu, ménì iméεha òwólì laláhε igyi mliεsu, amlìbwε tóá ideklé. 13 Mliímápu mli nyankpυsa-oyí ìwì ató há laláhεbwε. Mboún mlipu mli ìwì féé ha Bulu, fé ahá ání alakúsúa amó tsú afúlítò ba nkpatò, òpu mli bwε tóá ìda òkpa. 14 Ìma aléá lakpan òbétrá gyì mliεsu, tsúfé séì mliìtráa mliímá Mose Mbla ámυ asì. Bulu awítòlε asì mboún mliεbυ.

Yilébwε Nkpábi Anıgyı

¹⁵ Inı ɔma a, amansu abéblı? Ibv aléá abétrá bwε lakpan séı ánfı ánimá mbla ámv asi, anıbv Bulu awıtɔle mboun asi? Ekekeke! ¹⁶ Mluméyın ání ní mleba iwıasi há tɔkv, mlıdé mú apé bwε, mlıdé mú súm fé mlı wıe a, mlılabwé mú nkpábi? Nı mleba iwıasi há lakpan á, múmú mlówu, táme ní mleba iwıasi há Bulu á, mlégyı asv mv ansıtó. ¹⁷ Mlılóbwε nkpábi há lakpan bré kvɔɔ. Séı á, mlılapú mlı kvn féé hɔ atosunáhé amúú bapúhá mlı ámv, mlıdé mósú gyı. Mú sv ndε Bulu ipán da. ¹⁸ Bulu lahá mlılagyı iwı lé lakpan ıbtɔ, mlılabwé nkpábi há yilébwε. ¹⁹ Alıá ıbóbwε mlónu asón ánfı asi, só napú nkpábi tsiátó ndε mlı suná. Bré kvɔɔ á, mlılóbwε mlı iwı nkpábi há hakpan móa lalahεbwε. Alı kén ilehián ání mlóbwε mlı iwı nkpábi ha yilébwε, ménı mlófvn yi nı.

²⁰ Bré amúú mlıgyı nkpábi há lakpanbwε ámv a, yilébwε má túmi mlısv. ²¹ Labı mɔmv mlılénya tsú lakpan amúú mlılóbwε, ndε ıbv mlı pélı amɔɔ? Mú labı gyı lowu. ²² Táme séı mú á, Bulu lahá mlılagyı iwı lakpanbwε túmi asi. Mlıamlı mv nkpábi. Labıá mlénya tsú mótó gyı; mlétsıá tsiátóá ıɔfvn yi, nyá nkpa ání ıtamatá. ²³ Tsúfé lakpanbwε ıkáká gyı lowu, táme Bulu atokiehé gyı nkpa ání ıtamatá. Mú ɔɔpvgyı anı bvale tsvn anıa anı Wıe Kristo Yesu ıkolebwεsv ní.

7

Mbla Amv Itráa ma Túmi Akristofɔsv

¹ Mı apıó, mlı féé mlıyın Mose Mbla ámv. Mlıyın ání bréá ɔha tsie nkpa á, ɔbv mbla asi. ² Fé ní ɔtsı tsia okúlu, mv kulu amv mókówú á, ɔbv mv kulu amv

asi. Táme ní mu kulu amu owú a, alagyi iwí, okúlu wóyí mbla kuku itráa medé mu. ³ Mú alí su ní mu kulu amu mókónyá wú, òdálí mu òma a, alató mbua. Táme ní mu kulu amu owú mú á, òtráa òma okúlu wóyí mbla asi. Mú su ní òláyétsiá oyin bámbá á, òmàkótó mbua. ⁴ Mí apíó, alí kén igyi há mlí ní. Mlí é bréá mlíóhò Kristo gyi a, mlía mòmnyò mlíówu. Mú su mlítráa mlímá Mose Mbla asi. Séi á, mlíabwé òhá ámúú Bulu lókúsúá tsu afúlitò ámu klé, méní mlóbwe yilé há Bulu. ⁵ Tsúfé bréá aníbu aní tsiátó dada amutò á, mbla ámu léha aní òwólí laláhe legyi anísu. Mú su aníóbwe tóá itópú lowu ba. ⁶ Táme séi mú á, Bulu lahá anílagyi iwí tsú mbla ámúú tekí aníbu mú asi ámu íbitò. Anía Kristonyò lówu. Mú su mbla ámu itráa ma túmi anísu. Anílagyi iwí, anídé Bulu súm tsun òkpa pòpwe ání Òhe Wankíhé dé aní sunásó. Megyí òkpa ání mbla wánlínhé amu lósuná anísu.

Mbla Amu Múa Lakpanbwe

⁷ Mú su anídéblí aníaa, itò laláhe Mose Mbla ámu gyí? Ekekeke! Mbla ámu íbéha abébi tóá lakpan gyí. Tekí ní mbla ámu ímèblí òbéé, “Mápe ansí fú bá atósú” a, tekí mmèbi tóá gyí ònsípe. ⁸ Ina alí mbla ánfí su lakpan lénya òkpa pú ònsípe kugyíku wá mító. Tsúfé ní mbla ámu má ínu á, tekí lakpan má túmi mísú. ⁹ Mí onutó netsiá bré kutò, mmèbi mbla ámu. Táme bréá nèbebi mú á, nowun ání napán mósó. Lakpan òbweépú ngyi. Mú su nówu. ¹⁰ Nowun ání mbla ámúú nkí mbéé, íbéha mí nkpa ámu lópu lowu ba mlí. ¹¹ Tsúfé lakpan lénya òkpa tsun mbla ámu su mlé mí, mó mí.

¹² Tsiátó mbla ámu mú á, tsitsa kuku ma mú iwí. Mó nhíhé kugyíku lówankí, ida òkpa, íbu alé é. ¹³ Mú

su idesuná ání Bulu mbla ánfɛ ɛbu alé ánfɛ lɔpu lowu ba mi? Ekεkεεkε! Megyí alɛ ígyi. Lakpan lótsun ɛto wankláán ámusu pɔ lowu ba mi. Ina mbla ámusu lakpan léle ɛwi súná ání itépi ma alé.

Atɔ́a Idekɔ Nyankpɔsata

¹⁴ Aniyin ání ɔɣétɔ atɔ́ mbla ámu gyí, táme mí mó á, nyankpɔsa ngyi. Nabwé lakpan ɔkpábi. ¹⁵ Mmetáli bí mí tsiátɔ, tsúfɛ megyí tɔ́a ndeklé ntɔbwé, tɔ́a mmedéklé mboun ntɔbwé. ¹⁶ Ní tɔ́a mmedéklé ndεbwe mó á, natsúlá ání Mose Mbla ámu ɛbu alé. ¹⁷ Idesuná ání megyí mí dé alɛ atɔ́ ánfɛ bwe. Mboun lakpan túmiá ɛbu misu téhá ntɔbwé mó. ¹⁸ Nyin ání bré ánfɛ mbu mí tsiátɔ dada anfitɔ á, ɛto wankláán koku má mítɔ, tsúfɛ nyankpɔsa ngyi. Ntekleá nɔbwe yilé, táme nakásián. ¹⁹ Mmedé yiléá ndeklé bwe. Lalahε amú mmedékléá nɔbwe ámu mboun ndεbwe. ²⁰ Ní ndε lalahε amú mmedékléá nɔbwe ámu bwe á, múmú idesuná ání megyí mí onutɔ dé mó bwe. Mboun lakpan túmi ámu amú ɛbu mitɔ ámu dé mó bwe.

²¹ Mó su nawun ání mbla ánfɛ lagi misu. Ní ndekléá nɔbwe yilé á, lalahε kóun ntɔbwé. ²² Tsúfɛ nhíé ndekléá négyi Bulu mbla ámusu tsú mí klɔntɔ. ²³ Táme ntowun ání mbla ku dé mbla ámu ɛbu mí klɔntɔ ámu isá kɔ, gyi mósú, bwé mí lakpan ɔkpábi. Uhá lakpan ámu ɛbu mitɔ ámu ide mí bwehé kugyikusu gyí. ²⁴ Kɛ ipian kpɔnkpɔɔnkpɔntiá mbu móttɔ! Ulapú mí ɛya lowutɔ. Ma ɔbéle mí tsú móttɔ? ²⁵ Táme anɛ Wíe Yesu Kristo su ndε Bulu ipán da ání alalé mí!

Mí klɔntɔ mó á, tekɛ ndekléá nɔbwe Bulu mbla ámu ɔkpábi. Táme tsiátɔ lalahε amú ɛbu mitɔ ámu lahá nabwé lakpan ɔkpábi mboun.

8

Nkpatsiá Dínká Bulu Ɖhé Ámvo Asónsú

¹ Iní sv séi á, Bulu méétrá ha ahá ání amóva Kristo Yesunyɔ babwé kule ipón. ² Tsúfé Kristo Yesu sv Ɖhe Wankíhé túmi ání itehá nkpa lahá anlagyi iwí tsú lakpanbwe móa lowu ibitɔ. ³ Mose Mbla ámvo métalí lé aní tsú aní lakpantɔ. Tsúfé aní tsiátó dada amóv itehá anitɔbwé lakpan ámvo imeha animégyí mbla ámvo atosunáhésɔ. Táme Bulu lótsun ɔkpa pɔpwesv hɔ aní. Ɖlɔwa mv Bi onutó lébá fé nyankpɔsa ání ɔtɔbwé lakpan, táme mv mó ɔmɔbwe lakpan. Bulu lótsun mv lowusv mó aní tsiátó dada amóv lakpan legyi mósú ámvo. ⁴ Ɖlɔbwe mó ali, méní ní anibuo Ɖhe Wankíhé amvo a, abétalí tsiá tsiátó wankláán amóv tekí mbla ámvo lósuná ámvo, animéétrá tsiá aní tsiátó dada amvo. ⁵ Tsúfé lalahɛ ahá ání tsiátó dada amóv itɔbwé lakpan ide amósú gyí bɔtɔgywín. Táme ahá ání bobuo Ɖhe Wankíhé amvo a, tóá Ɖhé ámvo tekle bɔtɔgywín. ⁶ Ɖhá ání lakpan lagyi mv tsiátósv tenyá lowu tsú mótó. Táme ɔhá ání Ɖhe Wankíhé lagyi musv mó tenyá nkpa móa iwilwii. ⁷ Tsúfé ɔha ání lakpan lagyi mv tsiátósv tolú Bulu. Ɖtamagyi Bulu mblasv, tsúfé ɔméetalí gyi mósú ekekεεke. ⁸ Ahá ání lakpan lagyi amó tsiátósv boméetalí gyi Bulu ansí.

⁹ Táme Bulu Ɖhé bv mlitɔ lélé. Mó sv mliméétrá tsiá mli tsiátó amóv lakpan legyi mósú ámvo. Mlɔbwe tóá Ɖhe Wankíhé amvo tekle. Ní ɔku má Kristo Ɖhé ámvo a, omegyí mv kle. ¹⁰ Ibv mótóá lakpan sv mli nyankpɔsa-oyí ánfí obówu. Táme ní Kristo bv mlitɔ á, mli ɔkláa bv nkpa. Tsúfé Bulu latsú mli ání mli asón da ɔkpa mv ansító. ¹¹ Bulu lókusúa

Kristo tsú afúlito lélé. Mú su ní mu Ɖhé bu mlɛ́to á, mómó ɔbótson Ɖhé ámusu há mli nyankpɔsa-oyí ámú ibówu ámu nkpa pɔpwe.

¹² Ini su mí apíó, imehián ání abétrá tsiá anɔ tsiátó dada amɔ, bwé tóá anɔ ɔwólɔ laláhe tekle. Mboún lehián ání abóbwe tóá Ɖhe Wankíhé tekle. ¹³ Tsúfé ní mletsíá mli tsiátó dada amɔto á, mlówu tsítsá. Táme ní mlɔtsɔn Bulu Ɖhé ámusu kíná mli nyankpɔsa-oyí ámu apé bwe á, mlétsiá nkpa ání itamatá. ¹⁴ Tsúfé ahá ání bahá Bulu Ɖhé de amó kpa gyí Bulu abí. ¹⁵ Megyí Ɖhé ání íbéha mlóbwe nkpábi, tsíá nyá ifú Bulu lópɔwá mlɛ́to. Mboún Ɖhé ámu lóbwe mli Bulu abí. Ɖhé ámu su anɛtetálí su kpolí Bulu anɔaa, “Abba, mí Sí!” ¹⁶ Ɖhé ámu totsúlá há anɔ ání lélé á, Bulu abí anɔgyí. ¹⁷ Ní Bulu abí anɔgyí á, mómó anɔgyí mu ató agyípo. Anɔ Kristonyɔ obégyi mu ató. Tsúfé ní awun Kristo ipian ámu kv á, mómó abénya mu numnyam amu é kv.

Numnyam Aní Abénya Ekekó

¹⁸ Ní nekɔ numnyam ání ida gyo anɔ, Bulu ɔbéle súná anɔ á, ipian ání anɔdewúun bré ánfɛto ɔmɔfɔn mú ɔtinɛtɛne. ¹⁹ Bulu atɔ bwehé féé bɔhíé bɔde ɔkpa kí ha ekeá Bulu ɔbéle mu abí numnyam ɔwan. ²⁰ Tsúfé Bulu atɔ bwehé féé lasí ida keke. Megyí mú onutó apé igyi. Mboún molóbwe mú alɔ, íha mu atɔ bwehé féé ikɔ ɔkpa ²¹ ání ekekó á, ɔbéha amú féé bégyi iwɔ, bɔméetrá yintá ekekekeke. Mu atɔ bwehé ámu íbénya mu abí iwɔgyí pó amú numnyam amu kv. ²² Anɔyin ání bɔtu nde á, Bulu atɔ bwehé féé ide iwɔɔsɔn wúun. Idekɔmí fé alɔ ikwí todwíin ɔtsɔ. ²³ Megyí Bulu atɔ bwehé ámu nkɔle dékɔmí. Anɔ

ámú alapó mu Ɖhé, igyi mu atokiehé gyankpapu wá anító ámu é anidékimí aní klɔntɔ. Anihíé anitsie anigyó ekeá Bulu ɔbéha aní nyankpɔsa-oyí áfi obégyi iwí, ɔbóbwe aní mu abí. ²⁴ Tsúfé ɔkpakí anfi su ɔlɔhɔ aní nkpa. Butamakí tóá fóbɔ ɔkpa, tóá fuma ɔkpa buteki. ²⁵ Ní anidé tóá animá ɔkpa kí a, anitenyá klɔn tsíá gyo mó.

²⁶ Ɖhé Wankíhé amu tetsá aní aní pɔntɔ. Tsúfé animéyín alíá abókólí Bulu ató, ibégyi mu ansí. Ɖhé ámu onutó tehié kímí pókólí Bulu ató há aní, don alíá aní onutó abétalí. ²⁷ Bulu yin ɔhagyíɔha klɔntɔ asón. Mó su oyin mu Ɖhé ámu agywun. Tsúfé Ɖhé ámu tokókólí Bulu há mu ahá alíá Bulu onutó dé mó klé.

²⁸ Aniyin ání Bulu tehá tógyító tɔwá alé há mu adwepó. Amógyí ahá ání mu onutó ɔleti mu nhíhé ɔnó ní. ²⁹ Tsúfé ahá ámu Bulu yin yaí ámu a, amó ɔlele. Ahá ámu ɔlele ámu ɔleti ɔbéé, bubélian mu Bi ámu. Fówun mu Bi ámu ɔbóbwe ɔdéhen mu abí tsɔtsɔtsɔtɔ. ³⁰ Ahá ámu Bulu yin yaí dodo amu ɔleti. Ahá ámu ɔleti ámu olotsu ání amó asón da ɔkpa mu ansító. Ahá ámu olotsu ání amó asón da ɔkpa ámu ɔlɔwa numnyam.

Yesu Bulu Ɖdwe Ɖwanle

³¹ Amansu anitráa aníbu blí tsú ínɔ iwí? Ní Bulu bu aní wá á, ma ɔbétalí kósó lí anisv? Ɖhaa má inu!

³² Bulu mékiná mu onutó mu Bi ámu si há lowu aní fée nwunsv. Olesi mu há faan. Nkálí sɔ ɔmɔɔpu ató tráhe fée tsíá mu Bi ámu tɔ há aní? ³³ Ma ɔbétalí ká asón dínká ahá ámu Bulu lalé ámu sv? Bulu lóó? Ekekeke! Mvgyí ɔhá ání alatsú aní ání aní asón da ɔkpa mu ansító. ³⁴ Ma ɔbétalí há aní ipón? Ɖhaa má inu! Tsúfé Kristo Yesu gyí ɔhá ání olobowu há aní, Bulu lókusúa mu tsú afúlitɔ. Alayó otsie

Bulu gyapɪsu, ɔde mu kokóli anɪ nwunsv. ³⁵ Ma ntée ntɔ ɔbétalí títɪ anɪa Kristonyɔ nsíné ɔdwetɔ? Asun wunhe lóó, ntée ikplán? Ní budɪn anɪsv lóó, ntée akón? Yayá natí lóó, ntée lowu? ³⁶ Tsúfɛ bɔwanlín wá Bulu asun wanlínhé amɔtɔ beɛ,
 “Fó sv buɔde anɪ mɔ ekekegyíeke.

Buɔde anɪ kí fé akúfa ání bapó beya ɔmɔkpá.”

³⁷ Táme ínɪ f́éétó a, ɔdwe á múú Kristo bu ha anɪ ámu sv anɪlagyi sv dáfá. ³⁸ Tsúfɛ nhíé nyin ání tɔtɔ méetalí ká ɔdweá Bulu bu ha anɪtɔ. Lowu o, nkpa o, Bulu-abɔpu o, túmi kugyíkúvá ɪtráa de iwíe gyí ɔsósú o, atóá ɪbu nu séi pó múá ɪbéba o. ³⁹ Tógyítóá ɪbu ɔsó pó asɪ ntée ɔsolóú ayasɪ kɔkɔukɔ méetalí ká ɔdwe á múú Bulu ladwé anɪ tsun anɪ Wíe Kristo Yesusu ámuɔtɔ ekekeke.

9

Ahá Aní Bulu Lalé

¹ Mía Kristonyɔ anɪlabwé kule. Mó sv ɔnɔkwali asón ndɛblí séi. Ɔhe Wankíhé dé mí kpa. Mó sv mí klɔn é de mí bláa ání mmedé afunu wa. ² Mí pi Israelfɔ sv asón ihíé de mí háan, ahumɪtɪá ɪmeká ɪtin de mí. ³ Ní ɪbówa aléá nénya ɪlwí, mía Kristonyɔ nsíné béyintá, ménɪ bénya nkpa ání ɪtamatá kóráá á, tekɪ nɔpu ɪwɪ há. ⁴ Mí pi Israelfɔ gyí ahá ání Bulu léle póbwé mu abí. Amó ɔlele mu numnyam súná. Ɔleka ntam há amú, pó mu mbla wá amú ɪbɪtɔ. Olosuná amú ɔkpa ání bɔpɔtswɛ mu. Ɔlebláa amú tóá alahíé ání ɔbɔpuhá amú f́éé. ⁵ Amú lélɪn tsu Israelfɔ anáin akpɔnkpɔntɪ ámuɔtɔ. Múá ɪɔvɔn kóráá á, amótó Kristo amv lébelɪn ɔsolóú anɪfɪsv. Kanfó letsɪá Kristo, (ɔhá á múú Bulu ladá mu ofúli amv), ogyi Bulu, ató f́éésú ogyípó amv bré f́éétó! Amen!

⁶ Inɪ imosuná ání Bulu asón ámóú ɔleblí tswɪ amv ɪméeba mótó. Tsúfé megyí Israelfɔ ámv fée gyí Israelfɔ onutónutó. ⁷ Megyí Abraham abí fée gyí mv abí onutó. Tsúfé Bulu lébláa Abraham ɔbée, “Isaktɔ fú abí-aná bédalɪ tsu.” ⁸ Inɪ lósuná ání megyí ahá ání botsú Abraham abí fée gyí Bulu ahá. Abraham abí-aná ámóú Bulu léhie há mv amv nkule gyí Bulu ahá. ⁹ Tsúfé tóá Bulu léhie Abraham gyí, “Néyinkí bá ofiébá sesebre. Néba a, fú ká Sara lakwí obiyímbi.”

¹⁰ Megyí inɪ wvle. Rebeka lókwí atabí há anɪ náin Isak. ¹¹ Táme bréá ɔmɔkónyá kwí amó, abvdan bɪ yilé ntée lalahewwe á, Bulu lébláa Rebeka amó ɪwɪ asón. Bulu lóbwɛ mó alɪ, ménɪ ibósuná anɪ ání ɔkpa ámóú ɔtɔtsv mósú hɔ ahá ámv ɪmená anɪ bwéhésó. Mboun ɪna mv nkule pé apé pú alíá ɔtelé mv ahásv. ¹² Asa Rebeka ɔbókwi nyebí ámv a, Bulu lébláa mv ɔbée, “Ɖdéhen obósum ɔkvsv.” ¹³ Fé alíá bɔwanlín wá Bulu asvɔn wanlínhé amvɔ bɛɛ, “Ntɔdwé Yakob dvn Esau.”

¹⁴ Séi á, nkálɪ abéblí? Abéblí anɪaa, Bulu asón meda ɔkpa lóó? Ekekeke! ¹⁵ Tsúfé Bulu lébláa Mose ɔbée, “Ahá ání nówun amó nwe á, amó nówun nwe. Amóá nahíéá négyi bvale a, amó négyi bvale.” ¹⁶ Mú sv megyí ɔha apé ntée mv nsiwa Bulu tekɪ. Mboun mv onutó nwewúun igyi. ¹⁷ Bɔwanlín wá Bulu asvɔn wanlínhé amvɔ bɛɛ, Bulu lébláa Egypte owíe Farao ɔbée, “Atoku anyɔ ánfɪ sv neyaí fú iwíe, alíá nótsv fvsv lé mí túmí súná, pú alíá ɔyító ahá fée bónu mí dá, kanfó mí.” ¹⁸ Inɪ sv ní Bulu ɔhíé ání obówun ɔkv nwe á, otowun mv nwe. Ní ɔhíé ání ɔbéha ɔkv ɔbówa klvntɔ odwin é á, ɔtehá mv ɔtɔwá klvntɔ odwin.

Bulu Ɖblónya Pó Mv Ahá Nwewúun

19 Mlɛtɔ ɔku ɔbɛfitɛ ɔbɛɛ, “Ní alɪ igyi ní mú á, ntogyi só Bulu dé nyankpɔsa ipón ha? Ma ɔbétalí tin Bulu ɔkpa?” 20 Táme nde mli fité mbéɛ, fúgyi ma ání féle Bulu ɪlá? Ɔlɔ ɔbétalí fité mu ɔpwepú ɔbɛɛ, “Ntogyi su fapwé mí alɪ?” 21 Alɪágyíalɪá igyi á, ató ɔpwepú tɔpú obón pwé tɔá odeklé. Ɔbétalí pú obón ipin kule pwé nlonɔ. Ɔbɔpu kule bwé ɔlɔ nu ntsu, kpá nsúó wá kuletɔ.

22 Alɪ kén igyi há Bulu ní. Ɔbu ɔkpa lé mu ɔblɔ súná, ménɪ ahá bówun mu túmi. Táme ɔlehɛ nyá klɔn há ahá ámúú olenya ɔblɔ amósú amu. Tekɪ ɪɔfon ání ɔbɛhɪ amó. 23 Bulu bu ɔkpa lé mu numnyam kpɔnkpɔntɪ ámu ɔwan ahá ámúú ɔlele yáí ání obówun amó nwe, ɔwa amó numnyam amusu. 24 Anɪgyí ahá ámúú ɔlele yáí ámu nɪ. Megyí Yudafo nkuletɔ ɔlele ahá. Ɔlele ahá ání bɔmegyí Yudafo aku é. 25 Bulu léblí mu ɔnású ɔtɔípú Hosea ɔwulótɔ ɔbɛɛ, “Nétɪ ahá ámúú tekɪ bɔmegyí mí ahá ámu mí ahá.

Ahá ámúú tekɪ ntamakle amó asón ámu ɔbɔbwe mí adwepú.

26 Ɔtɪné ámúú tekɪ nebláa amó mbéɛ, ‘Megyí mí ahá mɪgyí’ ámu a,

ɪnɔfo nétɪ mbéɛ, ‘Bulu Ɔkɪankpapu abí’ ní.”

27 Bulu ɔnású ɔtɔípú Yesaia lókplɔn bláa Israelfɔ ɔbɛɛ, “Ní Israelfɔ bekléí fé ɔpu ɔnó ɪsɪ kúráá á, amótó ahá kpalobí pé nɔhɔ nkpa. 28 Tsúfé ɔbisasu anɪ Wíe obégyi ɔyító ahá féé asón, búá mú wankláán.”

29 Tsúfé Bulu ɔnású ɔtɔípú Yesaia légyankpá wanlín wá Bulu asɔn wanlínhé amutɔ ɔbɛɛ, “Ní mí Wíe Bulu, túmi féé Owíe mési anɪ abí-aná aku yáí á, tekɪ anɪ féé abɛhɪ fé Sodom múa Gomorafɔ.”

Israelfɔ Bulu Mɔhogyi

³⁰ Nkálì anidéblí ngya? Anidéblí aniaa, ahá ámúú bume gyí Yuda fɔ ámú bómábo mbódí kuku, asa Bulu léha amó asu! Hógyi sù benya mó. ³¹ Táme Israelfɔ ámúú amó ansí lere, bude mbla ámúsu gyí, Bulu zha amó asu ámú bometalí. ³² Ntogyi su? Tsúfé bumepe ansí pú hógyi dúnká mó. Ilobwe amó fé mbla ámúsu gyí su Bulu obótson ha amó asu. Iní su bosutiin “Ibwi ámúú itelé ahá dá” ámúsu dída kpla. ³³ Ibwi ánfɔ iwɔ asón bwanlín wá Bulu ason wanlínhé amúto beɛ, “Bulu obéɛ, ‘Mlikí!

Ndepu Ibwi* tswɔ Sion wúlutɔ.

Ahá bósutiin ibwi ámúsu dída.

Péli méekítá zhagyí zha ání zloho mu gyi.’ ”

10

¹ Mí apíó, tóá ntekle mí klontɔ, pú mpái ání ndebo gyí, Bulu obóho mí ahá Israelfɔ. ² Nétalí gyi amó iwɔ adánsie mbéɛ, amó ansí lahíé pé Bulusúm iwɔ, táme bume yín zkpá ání bótson mósú súm mu wankláán. ³ Tsúfé bume yín zkpá ání Bulu tótson mósú há ahá asu. Mó su beyrí iwɔ bude amó zkpá dunká, méni bégyi asu Bulu ansító. Mó alí su bumeba iwiasí há zkpá ámúú Bulu tótson mósú há ahá asu ámu. ⁴ Znokwalí amú gyí, Kristo lómɔ Mose Mbla ámu féé zno. Mó su zhagyí zha ání zloho mu gyi obégyi asu Bulu ansító.

Nkpa hóo Bu Inw Há Zhagyí zha

⁵ Mose lówanlín tsú zhagyí zha ání zteki mbla ámu ání mósú Bulu obótson tsu mu ání mu asón da zkpá iwɔ obéɛ, “Zhagyí zha ání otegyi mbla ámúsu obótson mósú nyá nkpa.” ⁶ Táme hógyisu butótson gyi asu Bulu ansító. Bulu ason wanlínhé amú léblí

* **9:33** Ibwi ámu gyí Kristo.

ɔbée, “Máfíté ɪwɪ fɛɛ, ‘Ma ɔbódu yó ɔsúsú?’ ” (Fɛfíté alɪ á, ilosuná ání fýɔɔpu Kristo tsúa ɔsúsú ba.) ⁷ Ntée fíté ɪwɪ fɛɛ, “Ma ɔbékplí yó ɔsulóu ayasi?” (Fɛfíté alɪ á, ilosuná ání fýɔɔpu Kristo tsúa afúlitɔ ba.) ⁸ Mboún asón ání Bulu ason wanlínhé amu lébblí gyí, “Bulu asón ámu ɪma ɪfó fú wá. ɪbu fú ɔnótó, ɪbu fú kluntɔ dodo.” Asón ámu gyí hógyi asón ámúú anidéblí ámu ni. ⁹ Ní fobwíí ɔnó blí fɛɛ, “Yesu gyí anɪ Wie,” fɔpú fú klun fée hogyi ání Bulu lókusúa mu tsú afúlitɔ á, Bulu ɔbóhɔ fu nkpa. ¹⁰ Tsúfɛ ɪklun ɔha tɔpúhɔ Kristo gyí. Fówun Bulu obótsu mu ání mu asón da ɔkpa. ɔnó é ɔha tɔpúblí ɔbée, Yesu gyí mu wie, ménɪ Bulu ɔbóhɔ mu nkpa. ¹¹ Alɪ kén Bulu ason wanlínhé amu lébblí ɔbée, “Péli méekítá ɔhagyíɔha ání ɔlɔhɔ mu gyí ekekɛɛɛɛ” ní. ¹² ɪnɪ su ɪmɛfáhɔn ání Yudayin fɔgyi, ntée fɔmegyí Yudayin. Tsúfɛ owíe ɔkɔle pé asɪ amó fée bobu. ɔbópu mu yilébwɛ gyi ahá ání bosu kpolí mu fée buale. ¹³ Alɪ kén Bulu ason wanlínhé amu lébblí ɔbée, “ɔhagyíɔha ání otosu kpolí anɪ Wie obénya nkpa” ní.

¹⁴ Táme nkáli bétalí su kpolí ɔhá ání bumɔhɔ mu gyi? Nkáli bétalí hɔ ɔhá ání bumɔkónú mu ɪwɪ asón gyí? Nkáli bónu mu ɪwɪ asón ní ɔhaa méda mú ɔkan súná amó? ¹⁵ Nkáli bétalí dá mú ɔkan súná amó, ní bumɔkówá amó? Bulu ason wanlínhé amu lébblí ɔbée, “Thíé bu akíle ání fówun ání ɔha ɔbá beda Bulu ason wankláán ɔkan!” ¹⁶ Táme megyí Israelfɔ fée lóhɔ Bulu ason wankláán ámu. Tsúfɛ Bulu ɔnósú ɔtɔípú Yesaia lówanlín wá mu ɔwɔlótó ɔbée, “Mí Wíé, ɔhaa móhɔ anɪ ason blíhé amusu gyi.” ¹⁷ Táme ason wankláán ámu téhá butohogyi. ɪna Kristo asón ánfɪ blísú ahá butonú mu asón. Mú nu só ahá butɔhɔ mu gyi.

18 Mbéε, bεε nú bɔmonu asón ámv? Bonu! Tsúfé Bulu asɔn wanlínhé amɔ léblí ɔbéε,
 “Amó ɔmε lawíé ɔyító fée,

ámú asón é lawíé tsútsúútsú.”

19 Ntráa fitε. Israelfɔ bɔmonu mv asón asi? Múá Mose lébláa amú gyankpapɔ gyí,

“Bulu ɔbéε, ‘Nópu ɔmá ání bɔmegyí Israelfɔ wá mli ansipεε.

Nóyulá ɔmá mímláhe pówá mli ɔbló.’ ”

20 Bré bámbátó a, Yesaia lówa klɔn bláa amú ɔbéε,
 “Bulu ɔbéε,

‘Ahá ání bɔmedé mí dunká lémentí mí.

Ahá ání bɔmεfité mísú nele iwí ɔwan súná.’ ”

21 Táme Israelfɔ ámv mú á, Bulu léblí amú iwí asón ɔbéε, “Iníá natéi ibítɔ bré fée ání nóhɔ amú atúu ó á, bɔtráa bɔde asɔtɔ-ɔnlɔn wa. Bɔmedé mí bu.”

11

Bulu Israelfɔ Nwewítun

1 Nde mli fité mbéε, mú sv Bulu lakíná mv onutó ahá léle? O-o! Mí onutó ánfí óó Israelyin ngyi. Abraham abí-anátó notsú. Benyamin abusuantɔ obí ngyi. 2 Megyí bεε Bulu lakíná mv onutó ahá amú ɔlele amú yáí ámv. Mlikain ali ámú Bulu asɔn wanlínhé amɔ léblí tswi ɔbéε, Bulu ɔnósú ɔtáipú Elia lékla Israelfɔ iwí asón súná Bulu amɔsv. 3 ɔbéε, “Mí Wíé! Israelfɔ bamó fú ɔnósú atáipú fée. Babwíé fú afɔdiε-asubwi é fée. Ulasí mí nkɔkónó nkɔle. Bɔdekléá bómɔ mí é.” 4 Bulu léha Elia mbuai ɔbéε, “O-o! Megyí fú nkɔle lásí. Tsúfé nalé ahá mpím-sienó (7,000) ání bɔmɔkútswe ɔkpi Baal* kí há mí iwí.” 5 Ali ígyi nde nke ánfítɔ é ní. Bulu lawá awítɔle

* **11:4** Baal gyí ɔkpi ɔkɔá ahá ámú begyankpá tsía ɔsolúu amɔsv asa Israelfɔ beba betsiá unɔ ámv bosúm.

lé Israelfo kpalobí aku yáí. ⁶ Ní alawá awitole lé aha aku á, mómó itráa megyí oha bwehé su obéle mu. Tsúfé ní ina ahá bwehésó mú á, teki mu awitole amu ilesian.

⁷ Mú nkáli ilegyi? Israelfo ibi meda itó amóú bepe ansí bodedunká ámu. Amótó ahá kpalobí akvá Bulu léle yáí nkúle ibi léda mú. Oleha atráhe bowa asuto-onlin bréá ode ahá ti. ⁸ Bulu ason wanlínhé amu léblí obéé, “Bulu léha ilelin amó owóli. Mú su bóto nde bometáli pú amó ansíbi wun ató, pú amó asu é nú asón.” ⁹ Owíe Dawid é léblí obéé, “Amó odwe ogyíkpa ibwéé mpósa abuda mótó. Ibwéé agbláa, ikpa kita amó.

Ibwéé ima, abusrei dida mótó, ibwe isubití ha amó.

¹⁰ Ansító iklún amó, méní boméstrá wun ató. Ha abotsia ipianto bré fée.”

¹¹ Mú su ntráa ndefité mbéé, Yudafó basréí dida, boméetalí trá kusú? Ekekεεκε! Amó lakpan su Bulu lóhó ahá ání bomegyí Yudafó nkpa. Fówun ipe amó ansí. ¹² Séi á, aniyin ání Yudafó lakpan sù omá fée banyá ato wankláán. Amó dida lawá labi há ahá ání bomegyí Yudafó. Ní belányá nkpahóo mú á, mómó labi ání ahá ání bomegyí Yudafó bénya ima blító.

Ahá Aní Bomegyi Yudafó Nkpahóo

¹³ Ahá ání mlimégyí Yudafó, mli nde asón ání bláa ngya a. Kristo sumbí oyópú ngyi. Olowa mí sumbí mli wá. Mí gyumagyihe legyi mi ansí. ¹⁴ Fíali nétalí há mí ahá Yudafó ansí bépe, fówun Bulu obénya okpa hó amótó aku nkpa. ¹⁵ Bréá Bulu lédamlí oma há Yudafó á, ileha omá atráhe fée bóbwe Bulu anyawíe. Ní igyi ahi mú á, brégyíbréá

Bulu obóhó amó é á, íbóbwe fé afúli féé bakósó tsú afúlitó.

¹⁶ Ní belé tókútó gyankpapu há Bulu igyí a, mómó itó ámu féé igyi mu kle. Ní Bulu bú oyí nlin á, idesuná ání oyí ámu abámbi é igyi mu kle.

¹⁷ Bekpalí oyí bámbi pú bambá tsá mósú. Yudafó gyí oyí ámu. Mli ahá ání mlimégyí Yudafó gyí bámbi bambá amúú bapó betsa mósú ámu, méni mlénya oyí ámutó ntsu wankláán ámu ko. ¹⁸ Mú alí sù á, mlimákí mliaa mli dón oyí ámu onutó abámbi amúú Bulu lékpalí lé ámu. Mlimátsu íwí amó ansító, tsúfé oyí ámu nlin tamanu ntsu lé mliótó. Mli mboún tonu ntsu lé mótó pódan.

¹⁹ Fíalí mli akú mléblí mliaa, “Bekpalí abámbi amu, méni aní é abénya oyíkpa.” ²⁰ Ibo mótó alí. Itsú alíá Israelfó bómohogyi sù Bulu lékpalí amó tsítsá. Mli é mli hógyi sù Bulu lapó mli tsá mósú. Mú sù mlimáha nwuntó íwa mli odwé. Mliha ifú ikita mli.

²¹ Tsúfé Israelfó amúú bogyi oyí ámu onutó abámbi kóráá bóbwe lakpan, Bulu lébití amó ísu, mú mli?

²² Séi á, mliawun ání Bulu bu awítale, táme mu asón bu onlin. Obu onlin ahá ání badida hógyitósu. Táme alawá awítale há mli. Obówa awítale há mli ní mli ansí dín mósu. Ní megyí alí á, obébití mli ísu mli é.

²³ Táme ní Yudafó amúú besi mu hógyi amu beyinkí bóbwe mu gyi a, Bulu obélapó amó tsá oyí ámósu. Tsúfé obu túmi ání obéyinkía amó tsá. ²⁴ Mli ahá amúú mlimégyí Yudafó ámu mú á, oyí laláhe bámbi mligyí, bəpu mli tsá oyí ámósu. Teki ima ínu alí. Israelfó mú á, oyí wankláán ámu onutó abámbi bogyi, bekpalí amó tsítsá. Mú sù amó yinkia yi mú yintisù móowa onlin há Bulu.

Bulu Towun Ahá Féé Nwe

25 Mí apíó, asun ηαίνhé kv bu ιναά ndekléá mlíbú, ménι mlíméeki mlι ιωι άνι mlilétin ansí dúbι. Asón ámv gyí, Yudafo ámv akv bubv asvto-ωνlin. Bówa asvto-ωνlin alι βafvn bréá Bulu lahá ahá άνι bvmegyí Yudafo féé baba mv wá. 26 Mú oμα a, Bulu obóhō Yudafo féé nkpa. Bulu asón ámv lébli obéε, “Sion wúlutō Nkpa Ohópυ amv obélin tsu.

Obéba beha Yakob abí-aná féé bési lalahε bwε.

27 Inι gyí ntam άνι néka há amó bréá néλε amó tsú amó lakpantō ní.”

28 Iniá Yudafo ámv bvmōhō asun wankláán ámvsv gyi sv á, bemlí Bulu alupó, ménι ibówa labi há mlι ámvú mlímégyí Yudafo ámv. Táme iniá bvgyi ahá άνι Bulu léλε sv a, amó anáin sv otekle amó asón.

29 Ní Bulu olé okv ntée opó mv atokiehé há okv á, otamatráa tse mv agywun. 30 Bré kvto á, mlι άνfi mlímégyí Yudafo άνfi mlímóbu Bulu. Táme séi á, Yudafo bvmédé Bulu bu. Mú sv Bulu lawun mlι nwε. 31 Alι kén Bulu obéba bowun Yudafo ámvú bvmédé mv bu ámv é nwε fé aliá alawun mlι nwε ní. 32 Tsúfé Bulu lótsu mú άνι ahá féé bubv asvto-ωνlin, aliá ibóbwe obówun amó féé nwε sv.

Mliha Akánfv Bulu

33 Oo, mlíkι Bulu awitole wole! Mv nyánsa pú mv asónbι ma oká! Ma obétalí bí mv okpa pú mv asóngyító? 34 Bōwanlín wá Bulu asun wanlínhé amvto bεε,

“Ma yín anι Wíε nwuntō?

Ma obétalí súná mv asón? Ohaa má ιnv.

35 Ma lápú tōkv há mv, oδε okpa kíúá obélaka mv ikō?”

36 Bulu lóbwe tógyító. Mvbú tógyító. Tógyító bu ιnv há mv. Kanfú iwéε mv kle bré féétó. Amen!

12

Tsiátóá Bv̄təp̄sum Bulu

¹ Iniá Bulu híé əde anı nwe wúun alı su á, mí apı́o, nde mli kokóli mbéε, mliɸv mli ıwı féé ha Bulu mli nkpatə. İbwéε fé igyí aható wankíhé ha mv. Inı gyí osum ání itsú klontə, ilegıyı mv ansı ní. ² Mli máha əsolúv anısu atsiábi igyı mlısu. Mliha Bulu ətse mli agywun, ıha mli tsiátó itse. Fówun mlétalı bı ání Bulu apé bv̄ alé, ıbv̄ ədwε, ıɸv̄n.

³ Bulu agyómá ámúú alawá awıtəle púhá mí ámvsu nde mli tə okugyíəkv bláa mbéε, əhaa mákı mv ıwı dáfa alı́a ogyı. Əhagyíəha əbá ansı ası, əkı ání əmədvn hógyı amúú Bulu lapúhá mv amv. ⁴ Nyankpusa-oyı ıwı ató anı féé anıgyı́. Ntobı́ ámtə kugyíəkv bv̄ mú gyvma ání itegyı nyankpusa-oyı́ ámvsu. ⁵ Alı kén ıbv̄ mótó ání anıtsó, táme anıa Kristonyə anılabwé əyvlúv əkvle nı. Mú su anıgyı́ ntobı́ ətsan-ətsan ání anıtsátsáa abasu, anılbwε əyvlúv əkvle amv. ⁶ Bulu atokiehé ámúú əleha anı ámv ına ətsan-ətsan. İlehián ání anı féé abópı mv atokiehé ámv yó agyómá ató ámúú əleha anı ámv ənó. Mú su ní əkv atokiehé gyı́ Bulu ənó asónbı́ á, əhá ámv əbwéε mú alı́a mv hógyı losuná mv. ⁷ Nı əkv klé gyı́ mv aba ahógyıpv̄ bv̄á a, əbóa amó. Nı əkv klé gyı́ ató suná á, osúna mú. ⁸ Nı əkv klé gyı́ ahá atətə-ənlın wa á, əwá ahá atətə-ənlın. Nı əkv é klé gyı́ ató kie á, əlé ıwıtə okie mó. Nı əkv klé gyı́ ahá ənó lı́ á, əwáa nsi əbwε mú. Nı əkv klé é gyı́ ahá nwe wúun a, əbwéε mú ədwεtə.

⁹ Mlıdwε ahá tsu mli klontə. Mlıkisi lalahe kugyíəkv. Mlıkita yılébwεtə kinkı́nkın. ¹⁰ Mlıha mli ansı ıpe mli aba Akristofə dwεsu, amlıbu aba

wankláán. ¹¹ Mlímáha mli nsiwa bwé ató onó iba asi. Mliha ɔɣe Wankíhé amv ɔwa mli ɔwɔnlín, amlisum aní Wíe. ¹² Mli ɔkpakú amv sv mlinya ansigyí, amlilu kínkín mli ipiantɔ. Mlibɔ mpáí bré fээ́tɔ. ¹³ Mlibva mli aba Bulu ahá aní bobv ikplántɔ. Mliyiri iwí hɔ afɔ́ɔ.

¹⁴ Mliyula ahá aní bodin mlisu. Mliyula amó, mlímálwí amó. ¹⁵ Ní aku budev ansigyí nya á, mlia amónyɔ mlinya ansigyí. Ní aku budesú é á, mlia amónyɔ mlisu. ¹⁶ Mli fээ́ mlitsia wankláán. Mlímátsu iwí. Mlipv iwí manta ahá aní ahá butamabú amó. Mlímákí mli iwí aní mlidɔn aku.

¹⁷ Ní ɔkv ɔpó lalahɛ gyi mli á, mlímápv lalahɛ ká mv ikɔ. Mlibɔ mbódí amlibwɛ tɔ́á ibv aléá ahá fээ́ bótsulá dínká mósú. ¹⁸ Alíagyíalíá igyi mli mó á, iwilwii itsia mlia ɔhagyíɔha nsuné. ¹⁹ Mí apíó adwɛpú, mlímápv lalahɛ ká mli aba ikɔ. Mlisi tógyítɔ ha Bulu. Tsúfɛ bɔwanlín wá Bulu asún ámvɔ bɛɛ, “Bulu ɔbéɛ, ‘Mí, mli Wíe téká ikɔ. Mí ɔbéka ahá akɔ amó lakpan sv.’ ” ²⁰ Bulu asvn wanlínhé létrá blí ɔbéɛ, “Ní akón de fú olupó á, ha mv ató ogyi. Ní ɔmɛwóli de mv a, ha mv ntsu onu. Ní fɔbwé mó alí á, íbéha péli békítá mv ɔbétɛ.”*

²¹ Mlímáha lalahɛ igyi mlisu, mboun mlibwɛ yilé pógyi lalahɛsv.

13

Iwiasíba Ha ɔmá Akpapó

¹ Ilehían aní ɔhagyíɔha ɔbéba iwiasí há ɔmá akpapó. Tsúfɛ Bulu téhá ɔmá akpapó túmi. ɔmá ɔkpapó ɔkvkv má mvá megyí Bulu léyaí mv. ² Iní

* **12:20** Igyi fé fakpá ogyá wólí mv ɔtántra.

su ní òkú òkósó líí òmá òkparó òkusu á, alakósó líí Bulu túmisu. Mú su òhá ámu dé isobití klé ha iwí. ³ Tsúfè òmá akparó bumegyá yilé abwepó, lalahé abwepó bugya. Mú su ní fumedékleá funyáa òmá akparó ifú á, mómó bwe yilé abukanfu fú. ⁴ Bulu osúmbi òhagyíòha ání bapó mu yáí òmá ònó gyí. Mlí yilé su bude agyómá yó. Táme ní òkú dé lalahé bwe á, mómó obénya amó ifú, tsúfè bubu òkpa bití ahá isu. Bulu asúmbi bugyi, òleha amó òkpa ání bubítí lalahé abwepó isu ha mu. ⁵ Iní su òhagyíòha òbá iwíasi ha òmá akparó. Megyí beé bude ifú nya ání bébití amó isu nkúle su. Mboún amó klón dé amó bláa òbéé, ilehián ání bóbu amó.

⁶ Iní kén sù ilehián ání mléka tswitswí é ní. Bulu asúmbi òmá akparó bugyi. Bapó amó bré fée bude òmásó kí. ⁷ Mlíka ikò kugyíkúá idín mlisu. Mlíka tswitswí múa lampóo. Obú òkpasu á, mlibu amó fée. Ní igyi kanfú é á, mlíkanfu amó fée.

Abadwe

⁸ Mlí mákítá òhaa ikò òn mli abadwe. Ní òkú dé mu aba dwe á, òde mbla ámu féesó gyí. ⁹ Mose Mbla ámu léblí òbéé, “Mátò mbua.” “Mámò òha.” “Máwi ató.” “Mápe ansí fú ba atósó.” Iní pò mbla tráhe amu fée nwun gyí mbla kúle ámúú ileblí òbéé, “Dwe fú bá fé fú iwí” ámu. ¹⁰ Ní òkú dé mu ba dwe á, òmòpòpò lalahé gyi mu ekekekeke. Iní su òhá ání òtòdwé mu aba lagi mbla ámu féesó.

¹¹ Mlí onutó mliyin bré oduátò aníbu. Bré lafon ání mlétsinkí, tsúfè aní nkpahóò lafon ta òn bré ámúú anilégyankpá hò Kristo gyi amu. ¹² Onyé òetsòòò, òyí lake ta. Mú su mliha asi oklúntò bwehé fée bwe, atsu aní òyi kehetò akòtò tsan. ¹³ Mliha aní tsíátò ibwe fé ahá ání butsie wankítò. Mlí máha

ayinta anı bré yetsiá ɔdwe ogyikpá, anidé atɔ dedé gyí, anidé ntá núu bu. Anımáwa atsi móa ayin asón. Anımáwa ɔnsípe, anımátre kó. ¹⁴ Mboún mlıpv anı Wıe Yesu Kristo tin mlı ıwı. Mlımátrá tsiá tsiátó dada amóó mlı ɔwólı laláhe tekle amıv.

14

Akristofɔ Ilále Ɔkpa Laláhesv

¹ Mlıhɔ mlı aba Akristofá buma ɔwunlın hógyıtɔ wa mlıtɔ. Nı bɛɛ tɔkv bu alé ntée ima ale a, mlımágyı amó nwéen. ² Ɔkv lóhogyı anı ɔbu ɔkpa gyı tógyító, támɛ ɔkv é hógyı ɔnó ima ɔnlın. Mú sv ɔtamagyı iye. ³ Ɔkpa má ınvá ɔhá anı otegyı tógyító ɔbéle ɔhá anı ɔtamagyı tɔkv ılá. Alı kén ɔhá anı ɔtamagyı tɔkv é ɔmále ɔhá anı otegyı tógyító ılá ní. Tsúfé Bulu lahɔ amó. ⁴ Fúgyı ma anı féha ɔkv osúmbı pón? Mv wie nkıle pé búv ɔkpa anı ɔbéblı ɔbéɛ, otsie wankláán ntée ometsie wankláán. Ɖbétalı tsiá wankláán, tsúfé Bulu ɔbétalı há mv obétsiá wankláán.

⁵ Ɔkv ɔbétalı blı ɔbéɛ, eke kv dıv nú aba, ɔkv é ɔbéblı ɔbéɛ nke ámv féé igyi kule. Ɖhagyıɔha ɔyó mv klontɔ wankláán, otsu múá ıbv alé. ⁶ Nı ɔkv ɔlé eke ɔkv ɔbéɛ igyi eke yılé á, ɔde mósó gyı pıtsú Bulu fúá. Nı ɔkv é tegyi tógyító á, ɔde mú gyı pıtsú anı Wıe fúá. Nı ɔkv é tamagyı iye a, mv é ɔde mú kısı pıtsú anı Wıe fúá. Tsúfé amó féé bıtɛdá Bulu ıpán mósó. ⁷ Anıtɔ ɔhaa métsıe nkpa há mv ıwı, anıtɔ ɔkvkv é móowu há mv ıwı. ⁸ Nı anıtsie nkpa á, anıtsie ha anı Wıe. Awú é á, anılawú há mv. Mú sv ní anılawú o, anıtsie nkpa o, anı Wıe bú anı. ⁹ Tsúfé Kristo lówu, yınkı kúsó ba nkpatɔ, méni ɔbóbwe akıankpapıv pú awupú féé Owıe. ¹⁰ Inı sv imehián anı féha fú bá ıpón ntée fékı fú bá ansıtó

kótíkótí. Tsúfè aní fèé abéyélí Bulu ansító, obégyi anító okugyíokú asón. ¹¹ Bòwanlín wá Bulu asón ámuto bεε, “Aní Wíe Bulu obéε,

‘Nanyá mbu nkpa ánfí á,

òhagyíòha obéda akpawunu mí ansító;

òhagyíòha obéle blí obéε, Bulu ngyi.’ ”

¹² Mú sù anító okugyíokú obéle mu asón onó Bulu ansító.

Máha Fú Bá Dídá Mv Hógyitò

¹³ Mú sù mlíha asi aba ilá lε. Mboún abwée agywun ání anímóobwε tótóá ibéha aní bá okuku méesrèí ntée dída. ¹⁴ Séi ínìá namlì Okristoyin sù nabí ání atogyihε kuku má inová mu iwí metin. Táme ní Kristoyin oku lóhógyi ání tóku iwí metin a, mómó mu wá mú iwí metin. ¹⁵ Ní fótégyi tóku, ide fú bá háan a, mómó fú bwehé medé adwε suná. Máha fú atogyihε iha fú bá ání Kristo lówu há mu ofwi. ¹⁶ Mú sù máha tóá fuyin ání ibu alé ibwε tsitsa ahá ansító.

¹⁷ Tsúfè Bulu iwíégyi ámu imegyí atogyihε ntée atonuhε asón, mboún yilébwε, iwilwii pú ansigyí ání itsú Dje Wankíhé amuto asón igyi. ¹⁸ Ohagyíòha ání otosúm Kristo okpa ánfisù á, mu asón tegyi Bulu ansí. Ahá é butobú mu.

¹⁹ Iní sù mlíha aní ansí ipe tóá ibópu iwilwii ba, ibówa apíó aba owonlín hógyitòsù brégyíbré.

²⁰ Máyintá Bulu gymagyi hε fú atogyihε sù. Okpa bu inová abétalí gyi tógyító, táme ní oku dé tóá ibéha mu ba obóbwε lakpan bwε mú á, ima alε. ²¹ Ní oku tamagyi iye ku, ntée nu ntá ntée bwé tóá ibéha mu ba obédída á, ibu alé. ²² Mú sù tógyítóá fohogyi tsu ntobí ánfí iwí á, ha mú ibwε fúá fú Bulunyò nsiné asón. Ní oku opúni medé mu tsií mu bwehésú á, mómó okláa lawá mu ogyá. ²³ Táme ní mu klòn

mɛdí mu asɪ mu atogyihe ku gyí su, ogyi mó á, Bulu lahá mu ipón dodoodo. Tsúfɛ mu ató ámu gyí melíí hógyisu. Tógyítáá ɔha mópu hógyi bwé igyi lakpan.

15

Ahá Ansísú Ató Bwɛ

¹ Ilehían ání anɪ ahá ání anɪ hógyi ɔnó bu ɔnlɪn abénya klɪn há ahá ání amó hógyi ɔnó ima ɔnlɪn. Megyí tóá iletsiá anɪ wɔlɛ abóbwɛ. ² Ilehían ání anɪto okugyíáku ɔbóbwɛ tóá ɪbu alé há mu ba, ménɪ ɪbéha mu ɔbédan hógyitɔ. ³ Tsúfɛ Kristo kóráá móbwɛ tóá mu onutó otekle. Mu ɪwɪ asón bɔwanlín wá Bulu asón ámutɔ bɛɛ, “Asiabí ámúú besia fú ámu fɛé ɪlɛbedɪnká mísú.” ⁴ Asón kugyíkóá bɔwanlín wá Bulu asɪn wanlínhé amɔtɔ tsú tituti a, bɔwanlín mó ání ɪbósuná anɪ ató, wá anɪ atɛtɔ-ɔnlɪn, atomi ɪɪ kɪnkíínkín. Fówun abénya klɪn kɪ ɔkpa ha ató ámúú anɪ ansí dɪn mósú ámu. ⁵ Bulu téhá ahá bɔtenyá klɪn. Mɔtówá ahá atɛtɔ-ɔnlɪn. Nde mu kulí mbéɛ, ɔhá amlɪbwɛ kulɛ, fɛ alíá Kristo Yesu lósuná anɪ. ⁶ ɪnɪ ɔbéha mlɪ fɛé mlópu ɔmɛ kulɛ kánfó Bulu, ogyi anɪ Wíe Yesu Kristo mu Sɪ ámu nɪ.

Ahá Aní Bɔmegyi Yudafɔ Asɪn Wankláán Bláa

⁷ ɪnɪ su mlɪhɔ aba atúu fɛ alíá Kristo lóhɔ mlɪ, ménɪ ɪbówa Bulu numnyam. ⁸ Tsúfɛ nde mlɪ bláa mbéɛ, Kristo labwé Yudafɔ osúmpó, ménɪ ɪbósuná ání Bulu obégyi mu tó ámúú ɔlɛhɛ amó anáin amɔsu. ⁹ Kristo léba, ménɪ ahá ání bɔmegyí Yudafɔ bɛtɪ Bulu ɪdayilé, nwe ámúú olowun amó ámu su. Fɛ alíá Bulu asɪn wanlínhé amɔ ɪlɛblí. Asón ámu gyí, “Anɪ Wíe Bulu, ɪnɪ su nówa fú numnyam ahá ání bɔmegyí Yudafɔ ansító. Nówa ɪbɔ kánfó fú.”

10 Bulu asón ámu létrá blí ðéé,
 “Mli ahá ání mlimégyí Yudafó, mliá Bulu ahá
 mlyna ansigyí!”

11 Bétrá wanlín bæε,
 “Ahá ání mlimégyí Yudafó fée, mlikanfu aní Wie
 Bulu.

Omá fée abí, mlikanfu mu.”

12 Bulu ðónsó ðoípó Yesaia é léblí tswi ðéé,
 “Oha oku ðélyn tsu aní náin Yisai* abí-anátó.
 Mu obébegyi iwíe ahá ání bomegyí Yudafosu
 ní.

Musó bédinká ansí ní.”

13 Buluá buteki okpa há ogyi. Nde mu kokóli
 mbée, óhá iwí lwii mli, ansí igyí mli amlhó mu gyi.
 Mu Oje Wankíhé óháa mli túmi, méní mu okpakú
 móokpon mli.

Tóá Súd Paulo Léle Iwíto Wánlín Ató Alí

14 Mí apíó Akristofó, mí onutó nhíé nyin ání aha
 wankláán mligyí, mliabí asón tsotsòtsò, mlétalí tói
 kplá aba. 15 Táme nawá klun nhíé nde mli asón
 bláa owóló ánfíto pókáin mli. Tsúfé Bulu lawá
 awítale pú agyómá ánfí wá mí íbitó ðéé mbwée.

16 Múgyí, mbóbwe Kristo Yesu osúmbi ahá ání
 bomegyí Yudafóto. Mú so nde osum agyómá ánfí yó
 fé Bulu igyí ðhapó. Nde ahá ámú bomegyí Yudafó
 ámu Bulu asón wankláán ámu bláa, méní bémlí
 igyí aható ání Oje Wankíhé latín mó iwí, ilegylí
 Bulu ansí. 17 Iníá míá Kristo Yesunyó anlabwé
 kole so á, mbu okpa tsú iwí agyómá ánfí ndeyó há
 Bulu ánfí so. 18 Tsúfé mméetalí blí asvansu tsía
 atóá Kristo latson mí asón blíhé pú mí bwéhésú
 bwé ahá ání bomegyí Yudafóto, méní bóbu Bulu.

* 15:12 Yisai lókwí Owíe Dawid ání ogyi Yesu Kristo mu nain.

19 Ina ofúla móa osúna amóú nɔbwε Bulu Ɔhɛ ámu túmitɔ ámusu nɛtalí dá Kristo asun wankláán ámu fée ɔkan, tsú Yerusalem alu yédaɩ Iliriko ɔsolósu.

20 Tóá idin mí klunsu bré fée, ndekléá nɔbwε gyí, nénatí dá Bulu asun wankláán ámu ɔkan ntínéá bumɔkónyá nú Kristo asón ki. Mmedékléá nótúá ɔku gymagyihesu. 21 Tsúfɛ bɔwanlín wá Bulu asón ámutɔ beε,

“Ahá ání bumɔkónú mu nka ki bówun mu,
áhá ání bumɔkónú mu asón ki é bónu mó asi.”

Paulo Roma Ɔpasua Yésinda

22 Iní láhá mmɔkónyá ɔkra ba mli wá bɔtu nde ní.

23 Táme séi mó á, mí agyómá lamó ɔnó nfi fónsó. Nfi tsɔtsɔtsɔ ní ndekléá néba mli wá beki mli. 24 Mó su nabwé agywun ání ní ndetsóon nɔyó Spania a, nótson ki mli. Agyi ɔdwe kpalobí á, mlilasí mí ɔkra nayó inu. 25 Séi á, nabwé agywun ání négyankpá yó Yerusalem, yóbúá Bulu ahá ání bubu inu. 26 Tsúfɛ Akristofá bubu Makedonia pú Akaia ɔsolósu bapú ɔdwe dúnká ató buɔɔpɔsísí Bulu ahá ání bugyi ahiánfɔ Yerusalem. 27 Ibu amú ɔdwe ání bóbuá Yudafɔ é ká ikɔ. Tsúfɛ banyá Ɔhétó ató, nú nkpahóɔ asón ámu tsú amú wá. Mó su ilehián ání bóduká ɔyító ató ku há amú é. 28 Ní nɔpú kóba ání bɔtswitswi ha mí fée wá amú ibitɔ á, nɔbɔtsun mli wá yó Spania. 29 Nyin ání ní nebá á, nɔpu Kristo oyúla kpɔnkpɔɔnkpɔnti ba mli.

30 Mí apíó adwepú, ndepu aní Wíe Yesu Kristo pú ɔdweá Bulu Ɔhɛ lahá mli há mli aba kókóli mli mbéε, mlíli mí ɔma, amlibɔ mpái ha mi kínkíínkín.

31 Mlibɔ mpái mliaa, Bulu ɔléε mí tsu Yudafɔ amóú bumɔhɔ mu gyi amu ibitɔ. Mlibɔ ha mi, Bulu ahá

ání bobu Yerusalem nu abuhə ató á múú napú neya amó ámu. ³² Fówun ní Bulu lótsulá á, néba mli wá ansigyí kpənkpəənkpəntitə, bəda əkpónú. ³³ Buluá ətehá iwilwii, otsía mli fée wá. Amen!

16

Itsiáha

¹ Nde opio tshé Foibe le súná mli. Kenkrea wúlutə əpasuatə ahande əbuápu ogyi. ² Mliho mu anı Wíe Yesu dátó alíá ilekanáa ání Bulu ahá bóbwe, amlibua mu əkpagyíəkpasv alíá odeklé. Tsúfé mu onutó alabúa ahá tsətsəətsə, alabúa mi é.

³ Nehá Priska muə mu kulu Akwila fée tsiá. Mía amónyo létsiá bwé anı Wíe Kristo Yesu agyómá. ⁴ Bəpu amó iwı há ání bówu mí sv kóráa. Nde amó ipán da wankláán. Megyí mí nkole. Akristofá bume gyí Yudafo əpasua fée bude amó ipán da. ⁵ Nehá əpasua á múú betsiá fia amó wóyító ámu é fée tsiá.

Nehá mí ədwepó Epaineto tsiá. Múlégyankpá ho Kristo Asia əmátó fée ní. ⁶ Nehá Maria á múú olowun ipian mli sv ámu tsiá. ⁷ Nehá mí aba Yudafo Androniko muə Yunia tsiá. Bawá mía amónyo obu ki. Bvgyi Kristo sumbí ayəpó ání obú bu amósú. Begyankpá ho Kristo asa natá bəho.

⁸ Nehá mí píó ədwepó Kristotə Amplia tsiá. ⁹ Nehá anı Kristo agyómá əyəbá Urbano muə mí nyáwíe kláklá Staki tsiá. ¹⁰ Nehá Apele á múú alalé súná wankláán ání alapú mu iwı há Kristo amv muə Aristobulo abusuanfo fée tsiá. ¹¹ Nehá mí bá Yudayin Herodion tsiá. Nehá Narkiso abusuanfo ání bvgyi Akristofə tsiá.

12 Nehá Trifaina mva Trifosa, bugyi atsi á múú bude Kristo agyómátó kinkíínkín ámu tsiá. Nehá mí ɔdwepó tsíhé Persi, ɔde Kristo agyómá yɔ kinkíínkín ámu é tsiá. 13 Nehá Rufo mva mu yin á múú mí é nteí mu mí yín ámu tsiá. Rufo gyí aní Wíe agyómá ɔyɔpú ání alahɔ dá agyómá ámuɔ. 14 Nehá Asinkrito, Flegon, Herme, Patroba, Herma pú apíó Akristofɔ á múú bɔbɔ amú wá ámu fée tsiá. 15 Nehá Filologo, Yulia pú Nereo mva mu pio tsíhé pú Olimpa mva Bulu ahá á múú bɔbɔ amú wá ámu fée tsiá.

16 Mlɔlata aba puta Bulu ɔdweɔ. Kristo ɔpasua ámu fée bude mli tsiá ha.

Tɔá Roma Ahógyipɔ Amv BɔbWée

17 Apíó, nokókóli mli, mlikɔ wankláán, ménɔ mlétalí wun ahá ání bɔbɔ mlɔɔ, bude mli dasáín. Alí ahá ámu butehá ahá butedida hógyitɔ. Amú ato-sunáhé tedá mú á múú nosuná mli ámu mó. Mlikɔla iwɔ le amósú. 18 Tsúfé ahá ámu odu á, megyí aní Wíe Yesu Kristo budesúm. Amú ɔwólɔ laláhe budesúm. Bapú amú ɔnɔwankɔ pú ahákanfó bɔna bude ahá ání bɔmeyín ɔlala mlé. 19 Táme mli mó á, ɔhagyíɔha lanú aliá mlɔlapó mli iwɔ há Kristo. Mó su ɔbu mɔ ɔdwe, ansí de mí gyi wankláán mli su. Táme ndekléá mlítɔn ansí, amlɔbɔ tɔá ɔbu alé. Mlímáwa ɔbɔ lalahɔɔ. 20 Bulu téhá aní iwɔlwi. Imóɔwa ɔpá á, ɔbétɔ Satansu mántá ɔsɔlɔs tántáántán, mlélí mɔsu.

Aní Wíe Yesu Kristo ogyíi mli buale, ɔlu mli ɔma.

21 Mí bá agyómá ɔyɔpú Timoteo dé mli tsiá ha. Alí mí aba Yudafo Lukio mva Yason pú Sosipatro é bude mli tsiá ha ní.

22 Mí mli píó Okristoyin Tertio ání nōwanlín
 ɔwuló ánfí há Paulo, nde mli tsiá ha.

23-24 Mí wóyí m̄ wie Gaio amúú ɔpasua amúú
 b̄utefia m̄ wóyító am̄ dé mli tsiá ha. Erasto, ogyi
 wúlu kóbasu ɔkíp̄u m̄ua aní píó Kwartó é behá mli
 tsiá.*

Paulo Bulu Kanfó

25 Mliha akanfó aní Bulu! M̄ ɔbétalí t̄sun Yesu
 Kristo asún amúú nablí am̄usu há mlélí kínkínkín
 hógyitó. Ɔl̄ɔp̄u ɔnɔkwalí anfi n̄áin tsú ɔyí ɔpá. 26 Séi
 mó á, alatsun m̄ ɔnósó atáip̄ó am̄u ató wanlính̄esu lé
 mó ɔwan. Fé alíá Buluá ɔb̄u inu bré f̄éétó lahá ɔmá-
 ɔmá babí mó, méní ahá f̄éé b̄óh̄o m̄u gyi, bú m̄u.

27 Bulu nkole gyí Bulu. M̄u nkole b̄úu nyánsa.
 Numnyam ání ðe kanáa itsún aní Wíe Yesusu it̄u
 m̄u bré f̄éétó. Amen!

* **16:23-24** Mótó yée 24 b̄u n̄woló dada am̄u akotó: Aní Wíe Yesu
 Kristo ɔwáa awítale ha mli f̄éé. Amen!

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

01b09958-fa53-51d1-aae0-88c7e9302503